



雲養集三四

~ 16
2439
2



和
2439
卷 7-2

雲養集第三卷篇數

詩

闕宮唱酬集 五十八

海西持斧集 四十三

續昇平館集 十八

析津子役集 三十四

蓉江避暑集 十


沔陽行吟集 一百四十一

第四卷篇數

詩

沔陽行吟集 二百十七





雲養集卷之三

清風金允植泊卿 著

東萊鄭崙秀伯河校正

檜山黃炳郁進文編輯

詩

闕宮唱酬集

自癸酉至甲戌

持被 景慕宮李菊史黃秋所來訪共賦

光陰冉冉靜中知宮柳涼蟬夕照移鎮日烏紗閒拄笏滿車龍翰煥

裝池湖臺春草歸來日緜駕紅雲帳望時茅屋東牆青眼近興來剡

棹不須期

荆史家在東

鄭石汀

益鎔時益宮門

未曾相識聞余與二友賦詩送人要觀詩軸

立次原韻以役之余得詩甚奇之將欲和之問鄭判官何如人也或對曰老人也故起句云云及相見乃年富氣銳韙韋君子人也年二十七

十載金門世不知容華誰惜鏡中移希音已賞鳴琴嶽妙藝醜看戲墨池碧樹萬重蟬噪後青烟一抹鶴歸時良宵如此無人共芳躑何須訂後期

相見時難悔結知海山無事性情移棗花零落三庚雨荷葉披離半壁池因借油衣忘宦意合遊酒國少醒時狂吟萬疾辭躬去三樂休煩問啓期

伏雨闌風似漏天陰陰宮樹碧無邊君心如石終難轉我思如旌却自懸塵榻未聞揮塵話隱囊祇合撥書眠逢場便許詩仙降誰識裏

陽有浩然

石汀見余詩即夜入見自是迭相酬唱此姜僚所稱閔宮奇遇也

傾蓋新知似舊情清才玉尺剪雲成口如布穀意難喻名是鷓鴣詩有聲野市換裘朝飲酒山齋掛劍夜談兵顧憐病骨慙知己飯類應嘲太瘦生

磔磔靴聲響澗樓林園佳處憶菟裘青燈軟話千金夜白日酣歌一副秋柳外風輕荷欲語窗前雨急鷺交愁相思舊日漁樵伴多少烟簑古廣州

少日浮名賦子虛文園消渴近何如空攜襍被郎官署誰見門庭長者車異馬時鳴人去後幽花自落酒醒初聞愁添却詩愁重那得並

刀一剪除

讀罷離騷帽影斜古人遐想屬天涯公私喧闕蛙兒市風雨荒涼鶯
子家生計無多唯食硯世情難慣若炊沙饑蚊底事不相貸旅榻通
宵掠鬢華

佳篇脫手轉清新剪燭西窗笑語頻小院羣芳推菊婢上林疎雨長
楓人醉鄉自古稱王績史隱如今見子真莫道苔岑有同異養來氣
味即相親

余在景慕宮時僚文金溪雲洛絃姜謙山文永皆學問富
有之士門監鄭石汀益錄亦詞垣奇才也余嘗有詩云闕宮
三令一門監瓊琚互答儘堪誇蓋道一時文會之盛也今錄
和姜謙山四首以見其樂

海內詞人屈指知高名更許斗南移文章副復稱經笥鈔寫等身臨

硯池

謙山博學善屬
文尤癖於鈔書

烏帽幸同將事夕韶顏不減少年時可憐皎皎

雲間鶴遼郭千秋倘有期

雪巢金鶴遠嶺表高士也嘗因雪巢得
交姜謙山而今雪巢已作泉下人矣

右宮齋奇遇

襟袂蕭然拂曙天宮齋回首古松邊佳篇幾得溫文詠俗客不來陳
榻懸每患塵途交臂失何緣兩夜對牀眠西城少別兼金贖吟罷新
詩一悵然

右雨中別意

狂吟湖海卧高樓拙計堪憐反着裘縱有管天難見道頓無錐地不
憂秋處竅可笑魚濡戀依分何須鶴脰愁懶架殘書消暑足東隣近
日借荊州

右玩世自怡

對酒高吟白日斜石生元自住南涯泥中蓬怒有詩婢植鼻草文真

將家藻思尖新如脫穎
澆工精鍊見淘沙
詞林奇遇誰能識
卷裏空留翰墨華

右石汀詞藻

高山三則

姜謙山賦澹雲六章分贈溪雲及余
蓋以兩人之號皆有雲字且寓停雲之意也
余賦高山三篇以和之

高山崒崒其下有密謙
謙君子出言有物有瑿
瑿瑿有煌黼黻駕言日邁邈矣難匹
懷我好風德音秩秩

高山宮堯有紀與椒謙
謙君子有貴與條三策洋洋名聞于朝
薄言小試千祿不邀幸甚至哉式我同僚

高山有岑嶠南所瞻爰有白雲
依彼巉巖崔嵬載陽載陰君子幸惠貽我
璆琳何以贈之綠綺之琴

賦五古五首送姜謙山和順縣赴任之行

雲中三黃鵠萬里不同飛
翩然下宮苑得意共忘歸
交頸鳴相和滄滄拂蒲衣
一鵠南飛去天末空依依

夫子南國彥懷道絕畔援
獻策揚王庭朝奏夕召見
微祿豈絆人明時政堪戀
到老志愈堅篋裏有鐵硯

迢迢汝涓縣五兩戎程嚴
鬱林行載石山陰好垂簾
福星照百里婦孺欣共瞻
佇看治蜀化為吏師道兼

朝發漢水陽去去湖南鄉
湖南佳山水照君綿繡
賜永嘉行理履習池醉傳
觴簿書何足勞暮年可徜徉

駕馬追驥騏汗流且僵仆
寸筵撞巨鍾幸得聆韶護
頃贈停雲篇三歎意未喻
人事無定期果如雲散聚

送宋仲皓之任平康縣

吏道尚廉威賢者頗用力廉或近矯拂威亦傷憐刻所貴中正士守道勉求寔子為大賢喬循循有操飭莫謂一縣小四方將觀式峽俗易柔馴開懷見悃悞小惠不足施奸偽慎勿億興事以猶豫去害母姑息撫勞催科拙存恤惻惻嗟我學政廢蒙士誰培植刺史賢且明隨事可盡職佇看蒲蘆化豈弟為民則吾曹出蔭途惟此少報國交道貴切磨子惟我心識雙危從此飛何以慰相憶

秋日直

景慕宮菊史石汀攜南村詩伴來訪共賦

妙令初傳捲白波柳陰墻角酒旗斜閒來日月跳丸過別後詩篇束筍多山意濃含留客雨秋光澹抹斷腸花夢中祇是江湖性一望蘋洲聽棹歌

蟲鳴室迥小樓明待月烏紗澹忘情宦薄三升差可戀秋來一葉最先驚庭花半吐多生面林鳥相呼或自名安得買田湖水上與君笠屐耦而耕

小山叢桂可攀枝一曲招招有所思久欲南村移我屋堪稱西子讀君詩鷗盟浩蕩空勞夢蟲語瀟涼各候時不妨喚他輕簿尹清風明月與相期

高閣連雲雨氣寒菊叢淡處曉蟲殘詩樓夜靜虛白茶竈烟銷宿火丹老去猶存馮虎習學成無用屠龍難樽空北海盤三晶經濟蕭然愧冷官

江國蒼茫曉陣開奇緣隨處印青苔淚緘海外孤臣返目送雲端帝子來萬里寒空千箇字五湖明月一泓盃枕邊最是蕭蕭響背拖霜

華兩鬢催

右詠厲

奇氣飄然貫素空幾乎交失小寰中文心巧似抽絲繭酒戶寬於飲
河虹秋事關心悲宋玉人生足別恨文通東城雅集君須記昨夜星
辰昨夜風

訪元志齋永允

元世洵號志齋萬號春汀

遊筇昔日伴江關贈答郵筒不暫閒有酒細斟寒碧月出門飽殮永
春山生涯晚僦三間住歲月驚一紀還龐宅不知誰是主慣看穉
子亦開顏

戊午春余訪永允于永春共作四郡之遊

翌日攜諸詩伴同飲于北山弊廬

過橋穿市拂緇塵山色終南暗逐人庾子韭蔬堪供飯玉川草屋劣
容身自憐稚契引磁碗且喜芳隣傾蓋新駒城小別知非遠何用臨

歧漫灑巾

詞林名勝撥英芳白屋秋風問子桑四海因緣鴻跡住百年事業鳥
過忙客歸小巷紛紛月蛩語寒階箇箇霜人似曹劉今並世暗中摸
索可能忘

仲秋日與素山綱堂韋堂玉居白渠登七星堂共賦

隱約穹巖結小堂白雲仙侶讀醮章漸聞澗佩思瓢飲靜對星冠點
炷香紫閣數峯縫缺界黃花一朶作重陽盪骨决眦憑高眼鳥度晴
空萬里長

上直 景慕宮李硯史菊史洪秋居來訪共賦

青鞋昔日訪燈庵信宿君家雲嶽南半畝菘葵成圃學十年裘葛卧
郎潛柳陰尚記觀魚處松下曾聞捉麈談且醉休嫌壺酒盡秋來蕭

瑟我何堪

己巳夏余飲懸燈寺藥泉
歷訪李硯丈庄留宿歷日

碧瓦參差近夕陰一叢噪噪傍林深謀梁纔息紛紜事擇樹還無整

頓心倦客修途攜策返詞人野屋脫巾吟長安緩步黃昏少人事息

忙似汝今

賦夕禽

一片水壺徹底寒點來滴滴漏聲殘精神滿腹惟知白呼吸隨臍可

鍊丹江信通時朝夕驗石生來處弟兄看文林散職清寒甚喚作中

丞水部官

賦水滴

依依殘夢伴初成喜事先占遠客迎乍結同心媒月色不隨几卉怨

秋聲硯邊點水蜻蜓眼簾外偷香蛺蝶情試把金刀頻剪綵銅荷蕞

蕞落來輕

賦燈花

向曉諸人不寐因拈韻更賦

搗打殘更月上樓酒闌詩瘦且淹留烟淡古木來宵扈雨積空階長

屋遊繞宅蓬蒿張仲蔚對牀風雨韋蘇州枕邊不盡砧愁響催得東

城萬戶秋

是月余直 景慕宮方患風丹鄭石汀諸人攜酒來問因共

賦詩

暫到江鄉鴈與歸客來小院瑟初希樽前世事湖魚忘秋後園容柱

鶴非垂老輪囷槐抱癭滿身錦繡石生衣閒愁萬種如春劫知道南

風不解圍

與諸人共賦曉鍾呼險韻

曙色衝雲擘絮綿鍾聲發處警心田駭驚四海魚龍吼催赴千官鵝

鷺肩片夢方甘行盡楚悲歌初動市皆換蓼蓼三十三天節喚起秋

風洞裏仙

又夜坐共賦

正是嘉俳八月中
乾梅濁酒未全空
人閑書屋蟲魚註
歲暮山家蟋蟀風
遠嶂暝含宮樹碧
殘星遙配市燈紅
餘生安得離纏縛
共摻淮南隱桂叢

九月二日入直 景慕宮硯史菊史秋居來訪元志齋亦來

會共賦

林臯木落見人家
郭外西風鴈字斜
塵世行藏看小草
霜天志節對寒花
一無樂事秋將盡
百不猶人病亦加
惆悵明朝君又去
重陽誰與酌流霞

李硯史將歸嘉陵與諸人分韻離亭葉正飛為送別之作余

得葉字賦四言十四韻

鴻鴈在渚羣居唼喋飛則同舉亦復翔集川原杳杳之子遠涉嗟我
僕痛望塵難躡文府儒源炳靈赫葉子有典型風流浹洽東山之曲
雲樹迴匝客來攜琴兒去負笈尚矣高風若不可及戀彼車牽載贈
載答枉用相存叩我齋閣行人邁邁秋風颯颯念子當離中夜冲悒
願言努力以崇德業

重陽日又與玉垂趙大尹小覲一號寶山會于素山草堂拈三淵

集重陽詩韻共賦

仁山夕氣兩蒼涼
搖落園容變海桑
勝踐無多留雪爪
流光不住似風樞
登高眼之前人筆
持世惟看老圃香
孤鴈正逢秋水渚
那能拍拍度衡陽

九月念五日入直 景慕宮硯史菊史秋居來訪共賦

浮生如蠹處禪衣
汨沒生緣不出扉
詩道還淳齊一變
酒筵無禮管三歸
羣山木落猶森立
獨鶴秋晴自倦飛
燭影帽簷成小照
傳神何用陸機微

翌日與菊史志齋東渚石汀諸人共賦

絕無勲業畫雲臺
節物空憐病裏回
滿院霜清鷓鴣舅
老漫天風急鴈臣來
一文未直惟題葉
雙屐長閒不掃苔
今夕微君搗酒至
清秋懷抱向誰開
空庭行藥暮烟斜
不盡秋天一望賒
薄宦低迴非史隱
畫齋高泛似漁家
掃門時接前來客
澆圃將看嗣歲花
詩壘鼓笳寒不起
蠻牋殘墨化蟲沙

晚葉經霜醉氣融
歸根歷亂下西風
光陰早與蟬鳴盡
身世還將蝶夢同
纔脫迷纏遊物外
更隨高韻入琴中
舊柯寂寞寒烟裏
何處得來一秃翁

詠落葉

江城獨立帶殘霞
閱盡啼鶯飛盡花
少日無風猶自舞
夕陽如畫不遮家
別離情慣腸還硬
膏沐心慵髮未斜
對此那堪閨裏恨
片時春色薄如紗

詠秋柳

苔蝕雲根歲月闌
天然洞宙劇清寒
靈機應待從容步
傲骨還將媚斌看
境寂渾疑聽法講
庭荒猶自擊仙盤
世間安有人如此
合受襄陽拜笏端

詠老石

澹蕩人來竹逕間
品茶評畫共忘還
黃花滿手陶徵士
枯樹傷心庾子山
寥泬秋天階級遠
荒寒老圃轆轤閒
冷官佳趣如相問
細讀唐

詩點鷓斑

東坡詩云冷官佳趣近如何

平生湖海卧高樓，薄宦如烟尚滯留。
縱有佳篇終小技，未能痛飲豈名流。
宿烏冷噤千門夜，征馬遙營萬里秋。
多少君家紅樹裏，興來相訪倦宜休。

是夜復與石汀賦鴈字三首

卯色青天畫一波，斜斜整整折三過。
憑空細寫秋聲賦，不管人間白髮多。

筆峯蘸飽硯湘波，畢竟長空曳白過。
怎學滾源書咄咄，祇緣歸思滿江多。

錦字慙慙寄伏波，每年霜信一迴過。
愁來試把畫眉筆，畫出愁眉愁叟多。

至月四日夜與徐綱堂會于李素山草堂共賦

篝燈讀罷古今書，人事常多意不如。
處世守株還未害，求名畫餅易歸虛。
梅花寂寂思君夜，雪意垂垂中酒餘。
羨喜今冬綿襖暖，天心應為軫窮閭。

是月仲大人下寄七截二首敬次以上

窮陰始變一陽生，孤竹雲和應節鳴。
幾箇山東扶杖老，行春木鐸聽新聲。

與李友舜教訪徐綱堂于龍山倉舍共賦

歲暮江干邸閣寒，烏紗束燭坐更闌。
文章欲老堪傳後，會計惟當不負官。
少別吟髭知幾斷，浮生笑口覺真難。
數三人影池臺月，畫出空庭卧雪安。

是月二十七日夜與櫟下李丈綱堂丹樊祖尹致玉居會于素

山精舍共賦

蕭然古木傍溪橋室淨燈明夜轉遙
盃酒笑談驚似漢故人笳屐信
如潮臘殘雪色隨塗抹巷僻鍾聲破寂寥
寄語閤梅須努力春風不待百花朝

海西持斧集

丙子閏五月承命按海西之海州鳳山兩邑往返凡百

有八日得詩四十五首

臨津花石亭敬次栗谷先生八歲作韻

吾道滄洲在登臨意不窮
老杉山暝暗斜日海門紅
緬想樓臺燭長懷灑落風君民堯舜志寂寞此亭中

過臨滿邑宰素山李丈夜訪與朴錦圃允陽吳眉樵共賦

官道連田野色侵千家
桑柘翠陰陰旱餘得雨知
多暇別後論詩幾會心
老去宦情憐五斗西來行色戒三金
萍蓬此地何曾料皂蓋遙望喜不禁

海防無事講農書處處秧歌起
雨餘賓館直通燕价路民謠漸近麗

人居馬前邊嘯停鞭後塵尾清風下榻初
赤壁勝遊知不遠共誰看

月話盈虛臨津左右有赤壁其上東坡每歲既望好事者汎舟而遊

至松京訪滄江金澤榮于北山精舍共賦

古洞深如訪隱君嵩陽山色秀而文
一家經濟書千卷五卧生涯藥七分
可惜田中仍棄玉誰爭嶺上自怡雲
聊知初返西湖棹鶴影盤空日正曛

彩霞洞

谷簾一道散霏烟怪石青松駐大年寶墨曾臨漢上榭彩霞常逗洞

中天韓石峯漢常臨漢學詞人妙筆題紅葉公子華筵泛玉船中紫霞侍

即道是洞高題紅葉詩○是日彩墨軒醉卧青綾知幾日三山東望

五雲邊

滿月臺得州字

與廢悠悠不可求繁華昔日帝王州年年草綠金豚泣夜夜雲開鐵

犬愁作帝建嬰龍女攜金豚而定居于松麓即全豚所非處也○高

道抗鶴曰天也古木微分延慶殿殘花猶憶賞春遊滿月臺即延慶

賞春亭在延慶宮後園怡然異代登臨恨牧笛聲中一度秋宮正殿前階也

滄江子屬余題仙巖四時景用彩墨軒紫霞兩蕉二公韻以

贈之

訪君何處檳陰青秀氣名山認毒亭滋養不煩春兩力似佳子弟蓄

階庭

右石田種麥

山泉澄瀉玉華潭號號循厓到小庵一雨青簑攜杖去稻陂十里鏡

中涵

右墨溪新漲

種來嘉果蔭茅堂千樹迎霜晚照涼莫遣兒童打將去老夫祇是待

他黃

右霜林拾寶

酌酒長歌桂樹叢前山忽變玉芙蓉詩家兒女鏡清致綺語能評柳

絮風

右嵩嶽晴雪

松京雜絕十二首

蒼松鬱鬱八仙宮

松嶽初名扶蘇新羅藍干八元曰若種松後不露巖石則統合三韓者出天因哉松名曰松殿金寬

殷通錄唐肅宗涉海來登鶴嶺南望曰此真八仙
所住處或曰宣宗○牧隱詩有與直上八仙宮
高麗都城有五部青春醉香絃
浴詩五部青春醉香絃
賜斷江南歌玉樹鍾山王氣黯然終

右崧嶽

玉戶金鋪照壁璫春風貯得馬巖傍不知事去三韓地猶歎無人付

影堂

馬巖在成均館前恭愍王為晉國公主大營影
殿窟極奢侈王聞禍生喜曰影殿付托有人矣

右馬巖

鶴背銖衣下洞天中和樂府紫霞仙至今耆老傳遺俗幾度人間丙

子年

紫霞洞在松岳下高麗蔡洪植撰中和堂選國老開耆英會自
製紫霞洞曲蓋托紫霞仙人來壽之詞至今無忘傳其譜高麗

曹繼芳詩夢裏曾看鶴背天羽衣仙樂列樽前若將勝事誇他日須
說人間丙子年自是遂為松京故俗每設耆英會輒刻石以記之

右紫霞洞

泣碑血石事堪吁魂魄千秋有也無風雨年年磨不得長留化碧報

恩殊

善竹橋園隱先生咸仁處尚有血跡橋傍碑祀園隱立
性時事碑常濕如泣因名泣石第二句用園隱歌辭中語

右善竹橋

延福亭前滿綠蕪龍舟何日泛明湖鴻都學士多輕薄盡把權綱屬

武夫

延福亭在東門外毅宗撰亭築院為湖泛舟
宴與文臣賦詩衛士忌甚卒致鄭仲夫之亂

右延福亭遺墟

九齋分籍下緇帷文憲遺墟尚有碑洛詠歸來山日暮風流猶想踏

傳危

高麗崔文憲公冲教誨不倦遂分九齋以處學者古基在紫霞
洞每著月借歸法寺為夏課賦詩讀書冠童列左右奉極粗日

右崔侍中遺墟

長程何處最傷神天壽門前草似茵不見王孫歌舞咸一聲黃鳥送

行人

天壽院在咸東天壽寺古址也今院亦廢蓋麗朝衣冠迎送之
地也李仁老破閑集天壽寺為公子王孫攜珠翠笙歌踐送之

李奎報詩云此是年年離別處不因送客亦銷魂天外鳥終日勸提壺

傍橋

右吹笛橋

三省荒涼噪暮鴉內園人賣召平瓜杜門洞裏公侯裔盡是尋常百

姓家

三省洞名舊日三省廨署今廢為瓜田鼎

右三省洞

泣馬春遊弄翠鈿君王歡笑不勝憐祗應夜夜粧臺月環佩同歸七

點仙

年王典龍姬燕雙飛七燕仙等並為而遊

右花園遊墟

紗樓刻燭賦玫瑰一代清詞供奉才人與名花俱寂寞潺湲流水野

橋回

高麗爾宗御樓賦玉吹魂詩名詞臣和進屠燕御樓刻獨賦牧丹詩六韻應製五十六人安寶麟為第一

右紗樓遺墟

坊名認得舊京華制度新豐較不差豈是玄都前度客東風驚夢憶

桃花

我太祖定鼎漢陽街坊之名悉用松都之舊

右故京街坊

崇岡百折一溪鳴井裏看天蟻磨行自古宴安由恃險不如剡却兩

山平

右青石鎮

宿蔥秀

蔥秀山高玉溜懸

玉溜蔥秀泉名

朱翁小照百年前緣何贈炙詩人口為傍

皇華驛路邊

載寧妙音寺次壁上韻

鍾聲何處訪琳宮白鶴飛來一錫風三佛裝嚴雲髻絲諸天圍住兩

花紅偶從蓮社參方外誰識桃源在此中

俗傳桃源在長壽山好事者訪之不可得

寄語

西州休憫早靈泉枕下去無窮

呈載寧使君尹橋

久作山中客郡齋數寄書境移河北虎庭掛南陽魚軟話燈殘夜清

歌酒醒初頓忘羈旅苦三日駐征車

盤書軒書示從任安岳守 裕行

幾日離京城秋霖苦不晴異鄉逢骨肉遍體荷光榮欲報 君恩重
毋忘世德清我慙無所補攬轡獨屏營

貝葉寺

東方聞法早白馬幾千春 漢明時貝葉祖師東來傳法初寺於九月山與白馬並時 貝葉殘經存

新羅時有僧雲遊西域持貝葉所寫經五師而來藏於此寺故名貝葉今移置華藏寺 龍華古繪陳 古序本寺

人所畫 五峯曾現象 寺中故事又殊大士於寺後五峯現身說法遂為寒山道場 三聖實生民 九月

山為檀君肇基之地今有三聖祠以奉檀因檀雄檀君之祀 緬想仙靈跡杳茫不可親

貝葉寺懷行中四人

涼風今夜起客子到何邊聚散恒無定險夷且向前
逶迤家室遠願賴僕夫憐不惜賢勞替禪凶愧安眠

贈荷隱長老

誦唄諸天靜燒香萬慮空自言三十載不出此山中

檀君臺

與堯時並立晚共白雲遊脫徒千年國御風返故邱

月出庵

逶迤攀鳥道行到水聲窮迴出人天上俯看兜率宮

兜率宮

窈窕臨丹壑雲霞半嶺橫山僧入三昧終日坐蟬聲

與荷隱共賦

閒雲一塢閱秋春瓶鉢垂垂梵宇新 荷隱傾案修寺盡復其舊 幸得空門為道友
終知慧業屬文人蒼麟石老留雙跡 檀君時蒼麟朝天至今石上有雙跡 白馬經來隔

雲齋集 詩 卷之三 十一
幾塵試問茲遊奇絕處名山多在海之濱

東林答華雲

秋日輕裝載小車山容水態滿襟虛憂淡未暇身家計事到方知學
術疎弩有千斤寧為鼠水無升斗可沾魚回看石洞雲千疊飛錫何
時到里閭

鳳山朝陽閣次壁上韻

鳳兮豈是稻梁謀飛上朝陽千仞頭百鳥啾啾何所訴無才救汝倒
含羞

海州芙蓉堂次原韻

水閣虛涼倚斗宵閨閣無事沸笙簫荷花落盡秋風起十二瓊樓夢
遞迢

省掃海州羅峙洞先墓夜與諸宗數百人會于丙舍作

吾宗根深厚先祖有餘慶居此二連鄉賢孝世篤行雲仍千百人枝
葉何其盛榮悴雖不同灌培各遂性我祖鑑在上一視骨肉並謹慎
守家規毋忝爾所生宜戎角弓反永念常棣詠奚徒為樂侮鄉里亦
照暎約遵藍田呂義效浦江鄭小子有不率馴擾以歸正瞻彼墓前
柏鬱鬱霜枝勁愀然如承訓千載猶起敬庸是勤相勗綿綿及修篋

清聖廟

不盡清風百世師遺祠何獨在灤涓此邦為有殷民裔淚聽當年夢
秀辭

石潭瑤琴亭

澗阿秋日明皜皜亭上無人杏樹老先生昔日歌考槃三尺瑤琴手

自抱一彈怡性靈再彈憂世道先生一去琴隨亡遺韻滿山空文藻
廢院荒涼不可尋穹碑埋沒庭中草九曲之水迷真源將身何處更
洗澡

八月十日宿海州人家是夜嚴霜殺稼

夜來消息儘堪歎青女相尋早魃餘穡事蒼茫今已矣天心冥漠竟
何如愁看穉植渾棲卧無望汙邪且滿車儉歲 宸憂宵旰切明朝
應下免租書

還到長湍華藏寺知州素山丈及金滄江來會共賦

極樂峯前夕照蒼海西歸客鬢成霜山連紅樹天磨外門對寒潮沁

水陽貝葉千秋傳象教貝葉所寓經五編
自九月移藏于此衿衣異代近龍光高麗恭
慈王御

真奉安
于茲寺邦知今日禪因下馮雪因緣作一行

還到彰義門外人家鄭石汀來訪與錦圃共登洗釵亭賞秋
蕭瑟空欄似旅亭輪蹄近日少過經晚來灑氣澄心白分外詩緣拭
眼青流水百年餘劔氣老楓一樹作人形海山幾日棲霞客又向溪
邊落木聽

夜宿溪傍崔姓家共賦

茅茨蕭灑俯清溪咫尺紅塵有此棲怪我行藏如霧豹憐君志氣困
霜蹄無非秋籟空山裏似有人言隔水西不見麴生風味厚近來詩

格也還低石汀善飲近以
年歲禁釀故云

續昇平館集

哲宗庚申夏余隨仲從氏承宣公順天任所遊歷湖南諸
名勝有昇平館集庚辰夏余蒙 恩除順天府使赴任所

流光倏忽居然為二十一年矣陳跡依依有存沒之感所得詩藁若干首名續昇平館集

琴鶴軒次李芝峯韻

廿年重到似吾鄉老吏相驚白髮長
治化猥承馮氏郡夢魂空繞謝家塘
四山朝氣梅軒爽千樹秋風橘戶香
報答昇平那有術一身多病卧淮陽

觀閱武 九月

海上當暮秋清颼伴暄旭太守閱軍實
號令纔一宿平明排仗出屬鞬佩魚服
鼓角何沸轟旌旗正肅肅築場城東南
觀者焚集輻衰草曠無垠勢平若棋局
軍吏傳行禮魚貫盡匍匐樹旗結方營
人馬立如束兩陣忽相值紛紛互馳逐
金鼓不能節散走如挺鹿呼噪哄一

場塵溢迷踳躄落帽憐禿髮棄甲笑瞠腹
高懸魚門冑敗者固慙慙時平軍無籍
里香雇樵收聞令衰如聾回身強似木
徒為史所侮鞭打若狔犢行止任天性
誰能制起伏主將幸仁恕不比宋子玉
功罪且不問一笑葵凱曲區宇終寧謐
文具此為足力田勤供賦國家享其福
四海方鼎沸輪艦行電速訓練邁古法
器仗駭心目吾邦處一隅晏然自守獨
朝夕幸無事偷安古習熟 聖主奮有為
羣公勉瘁鞠六條舉賢才銳意扶頽俗
積弱起不振愚陋似桎梏昧者反嗤笑
智者徒嘖感以茲兒戲具大言相抵觸
一朝有蹉跌奚暇食參肉操罷耿不眠
秋聲滿修行有懷當誰語且付霜毫禿

至月十一日贈別金石貞 見濟兼寄甯齋學士

木落天寒歲暮程君將西去更南行
祗緣千里酬知己秋卷裝來淚

滿櫻

去歲逢君雪正垂今年為客橘黃時簿書何物關心事十日曾無一字詩

甯齋學士賸兼金珍重箴規感佩深措大為官無異績商量祇不負初心

贈松廣寺龍雲老衲

舊遊如夢洞中天彈指光陰二十年惟有西庵修道侶庵眉無恙說前緣

辛巳三月與金石貞吳海士容共賦餞春

烟雨霏微柳緒斜霓旌初發海雲賒離懷黯黯頻呼酒餘戀依依更覓花綠樹鶯聲猶夢裏長程草色已天涯丁寧留與青春約來歲如

今共返家

又賦一律

西園春事轉頭空無那光陰逝水同海堧千家榆莢雨客園一日棟花風經綸四海還無外點檢百年已向中有酒良宵君莫去詩愁不盡漏丁東

四月七日鄭石汀來訪共賦

簿書何日不恩忙斗酒違君久已藏佳節每多風雨過閒愁更與海山長三春鄉夢遊仙枕一世詩名選佛場知有五千文字在不須茶椀潤沾腸

是月九日與鄭石汀金石貞偕作樂安之行賦樂民軒

出郭飄然意更閒官途如髮麥田間青燈復話前宵雨碧樹相連二

郡山半世無端魚若忘何時共作鳥知還溪亭此去仙源近點點幽
花出曲灣

翌日共遊清溪亭亭主丁姓人五世相傳栽植花卉楓林輝
暎四壁有泉石之勝留宿共賦

清溪行盡一堂淡慚愧塵纓照水心拂檻花枝光四照傳家樹木長
千尋翻思世外還初服誰識邱中有素琴聞說襄陽賢太守習池日
日醉回吟

泠泠流水到巖扉骨冷神清夢亦稀只爲塵機消半日一雙翠碧近
人飛

三三開逕接山扉從古輪蹄此地稀靜裏不消看曆日一番風過一
番花

白髮頽然錦洞天花前日暮正堪眠山中水竹三千戶案上琴書二
百年怪鳥自啼寧識吏遠猿時吠亦疑仙苦吟直到闌干月夜久虛
明水一邊

溪堂信宿地欲別有餘情繞屋蒸花氣終宵枕水聲苟能除俗事即
此送平生商雒雖云好恐傳避世名

翌日臨發口呼石貞

清溪亭子郡之東惜別名花在眼中彷彿西廂微月夜佳人搵袖淚
殘紅

權野樵來過共登喚仙亭

神仙消息杳茫邊憑檻回頭憶社年碧樹沉沉藏畫閣夕陽冉冉下
漁艇烟雲淑氣來三島湖海清風動四筵此日登樓應有賦羨君藻

思湧如泉

六月二十四日禱雨靈鷲山題兜率庵

迢迢攀石逕呼吸近蒼穹高閣出雲上衆山浮海中欲超三界苦誰濟萬民窮寂寞蒲團坐始知四大空

析津于役集

辛巳九月余以領選使率學徒工匠西赴清國天津渡冬
趨程無以遊歷吟賞時有與行中諸人唱和之什而已到
津至回國後凡事係天津及與清國人贈答者輯成一卷
命之曰析津于役集後被人借去見失距今三十餘年渾
忘不記其可記者不過若干首遂錄之以存鴻泥之跡
奉使宿南門外發行示同行諸君子

一出都門意緒悠蕭蕭鳴馬倚征輶君恩似海身還小王事如
山夢亦愁契濶吳鄉將隔歲登臨此日况逢秋遠遊儘是男兒事却
愧西風吹白頭

過松京善竹橋次從事尹石汀奉駿韻

故國寒鍾暮色遙權給松京懷古詩雪月前朝色寒鍾霸圖雄氣已

沉銷名山諸佛渾無力高麗太祖遺識有云我國終賴網常一石橋

善竹橋麗末鄭國隱成仁之地至今血痕尚存

銅仙嶺次官弁白兼山樂倫韻

嶺路崎嶇到小亭崢嶸秋氣接青冥千年關海重重鑰嶺是關海之界築城設關
兩地朋交落落星雲暗未須愁日暮天長那得御風冷此行不必叢

祠禱嶺上有神祠祈禱處夷險前頭仗國靈

宿鍊光亭

西風吹送木蘭舟
急管哀絃動素秋
醉感君恩歌一曲
不知身在浚江樓

宿柵門

積雪被邊戍
眾山朝海邦
人烟通六縣
獵火照三江
意戀投林馬
心聽吠客厖

初云心戀投林馬耳醒吠客厖張季直以為不如心聽吠客厖心聽出管子

稅車相勞苦野店

酌春缸

遼東白塔

斜陽立馬古遼城
白塔亭亭向日明
恰似令威初返柱
逢人無語自書名

安市城市古

精忠奇畧兩兼之
眼底曾無百萬師
千古難明心裏事
功成祇為莫離支

黃旗堡

走馬黃旗堡
書生意氣豪
脩林風不息
大野日常高
久客塵樓髮
長征雪滿袍
沙場經幾戰
恒遣浪花淘

古盧龍塞

十八里堡

辭封高義感田疇
立馬盧龍古塞秋
底事祿山能跋扈
唐家形勢在邊州

古右北平

永平府

結髮從軍老塞垣
誓將猿臂答皇恩
奇才不售功名薄
恨入城東射石痕

雲叢集 詩 卷之三 十一

夷齊廟

大老西歸殿室傾天心不與獨夫橫採薇叩馬齊東語誤了清風百世名

瀋陽

儲胥風雲護舊畿萬家金碧煥朝暉八旗子弟渾無事日出城南試馬歸

邦均店次壁上韻

時李傅相力主通洋和俄支持大局朝野聾昧謗言四起
余宿邦均店見壁上題詩以少荃比秦檜笑次其韻

古來車賦轉為馬國富今惟數海航能讀書宜知合變急投劑豈已
膏肓老成方畧須特重遵養王師且悔光白面坐談天下事聽之盈

耳儘洋洋

望夫臺

生前日日望夫壻死後魂應夫壻依祇恨此身輕化石家山萬里未
言歸

榛子店

壁詩哀艷墨華殘塞上行人拭淚看練練半規榛店月可憐猶似李
文蘭

李文蘭事
見息庵集

永平城外店舍次壁上六言韻

宿處孤燈自照起來殘月猶橫但聞車聲輾輾不記多少行程
永平城裏雲曉明月樓前樹低試問養貧興學游刀何止割雞

前大
守游

公習開養貧興學
至今遺愛尚存

邊天乍暄復冷店樹似近還遙燕地今年無雪河水滑笏未消
浮雲杳杳東去白日依依西斜尺素異鄉久阻家人應卜燈花

過易水

今名白河冬日水涸惟有白沙漫漫悲風日暮起借問此何地云是古易水昔日燕儲君送

別入秦士入秦夫如何一死酬知己惜哉功未成召伯忽不祀知遇
最感人淚落千古史

謁楊忠愍祠

人死化塵土夫子獨不滅我來拜遺像凜凜如霜雪幸免仇讐手再
舉豈圖活咽咽續燈語夷然意不屑諫草猶在壁姦臣膽應裂明時
多直諫孰與夫子埒易水流湯湯回首古俠烈伯鸞傍要離吳代成
兩絕

海鳥篇呈永定觀察使遊藏園

智開

海鳥自東來翩翩渡鴨水羽譙聲咽嘶衆鳥不與齒侃侃遊夫子大
名久熟耳一見照肝膽相迎倒蔡徒鄙微叨感禮鐘鼓響八簋膏車
遠送行相隨保省裏省署深如海萬邦具瞻視爲我勤先容周旋有
所恃候謁無愆期諮度動移晷下國方綴琬隱恫若在已明發卽出
城迢迢向津淡臨歧意彌篤珍重戒行李情意逾骨肉雙袖浥清泚
津海春水開襟帷倘益止聊以抒衷抱勿嫌辭鄙俚

題周彥升古畫

彥升自序畧云范利仁畫唐人晚行詩意余以千錢得之其前跋爲彥升作感其字之相

同而名不傳云

聖世材俊興曲藝亦臻美塵泥僅辨墨萬里在尺咫彷彿關東道霜
月照行李彥升知何人想是古名士君非慕蘭公偶然字相似誰知

百載下雄劍復歸水凝神入詩境朝暮遇知己

送卞元圭知事歸國季冬

卞子才無敵生逢有為世 王事日以埤征車不暫稅而余愧無能
相隨度遼薊遼野何茫茫四顧不見際宇宙本寥廓日月有虧蔽時
於旅燈下抵掌論大勢四海方雲擾一隅獨玩愒思深不成寐往往
至流涕余情亦能振感激思自勵津局盛戎備五兵皆新制學習諒
未易何以答 君惠君將東歸國我將留經歲相別在天涯何時復
合袂丈夫志四方焉能事乾繫時事多艱虞努力勉共濟歷歷數來
程雲山更迢遞

贈天津水師學堂漢文教習董元度

戰國微言絕世多功利士漢興除挾書猶昧學問旨真儒起廣川廓

如掃羣穢總統歸有極貫徹天人理斯文賴不墜綿綿到千禩董子
得其學懷寶不自市開堂授英俊經經以緯史方今教多術範圍溢
文軌蒙士立基淺徇人易忘已提絜端其趨蔚然成才美茲事諒非
易恭為得師喜

送白兼山歸國

壬午三月

去年九月辭玉殿同承 溫諭飲珍膳五雲回首日迢迢羸馬瘦僕
長途倦惟君壯年賦遠遊識富才美推邦彥與圖歷歷在胷中馬上
山川如慣見津衛東畔逢殘春天涯倍切陟岵戀 聖主恩大燭幽
微星軺萬里許反面浩蕩誰能阻歸心折柳河溝朝飲餞嗟我同來
君先還佇立聊歌差池燕

送尹石汀從事歸國

四月

尹子有雅量超然識度清見事不泥俗談務更近情兩載津館裏日
夕心肝傾興言時事艱憂國念蒼生願我迂且拙每懷耦而耕慷慨
還相勗諧笑散不平今當東返棹遙指漢陽城孤棹在何處杳杳海
雲情欲贈意難盡執手久屏營努力任康濟庶以答休明
先聖有大智隨道乃隆汙不有虽尤亂不必制干戈不有賀遷業不
必行舟車苟非不得已因俗宜不佳嗟哉古未聞六合為一家顧瞻
海內外洵洵無恬波聯絡為縱橫糾結若蚓蛇晏然處其間見者皆
驚嗟彼方利其爪彼方磨其牙如在豺虎傍仁義安足誇

東還時贈別海關道臺周玉山 韻

六月棲棲賦出征東天笑看海雲情最難下手君心苦局外還同局
內情

津河舟中逢袁慰庭 世凱舍人

慰庭河南省人現帶行軍司馬英達夙成志氣軒豁吳笈
帥常稱慰庭是中州有數男兒

相逢一笑傻形忘顧眄生光意氣長滿腹風雲鄧禹歲慰庭時年住
家河洛賈生鄉眼前快闊無難事酒後輪囷有熱腸祇為年年王事
瘁青春已見鬢毛蒼慰庭年十九為其從叔文誠公賑河南
飢民日夜勞瘁吐血數升頭髮盡白

野宿馬山浦示慰庭

瓶空蠶亦恥藩固室斯安處世重知己與君共濟艱雨帆烟港晚露
宿馬山寒余隨軍至烟台與慰庭同乘小舟赴吳帥船時風雨大作
波濤洶湧幾不得濟至本國馬山浦下陸浦口無人家諸
軍幕窳舍與慰庭同宿于野庶勉平生志毋忘此日難

和周彥升仍識別懷

王師東下掃氛稜幕府奇才摠藝林麗水高山留勝蹟高麗古稱以山高水麗得名光風霽月見真襟西隣未必懷嘗禴南國何時效貝璣欲賦蹇裳酬六月天涯無限送君心

送慰庭歸河南

時清國欽差吳大澂來察諸將功過外國人流言毀慰庭留防諸將亦嫉其功而短之欽差按慰庭頗急慰庭慨然

即日西渡

名高人多嫉功成衆所忌此事古今同處世諒不易曩值危急日人皆歛手避黠者懷首鼠懦夫常喘喘事定反覓疵利口交漸漬遂將功高過摧折丈夫志君今浩然歸俯仰無所愧天日照孔昭賢才豈終乘相見知不遠努力勉王事

慰庭觀察以督理商務來駐

海水碧且淡海山縈以長結交期歲寒義氣凌秋霜豪傑似宗慈英達類周郎惜君四海志乾繫在一方不有藩屏固何以衛室堂昔別黯然愁今見喜欲狂愁喜非為私宣作兒女腸

卷江避暑集

丙戌夏余遭人言待罪卷江人家與沈遂山諸人相與唱

和者也

次韻酬沈遂山定洋主簿宋敬山伯玉侍讀沈雪陸宜興孝

廉五月

默計行藏意窅然那知消夏此江邊久拋人事頻忘日靜對床書可送年漲退參差鴻漸陸江晴快活鷺飛天不妨身世還初眼也伴漁

王師東下掃氛稜幕府奇才摠藝林麗水高山留勝蹟高麗古稱以山高水麗得名國光風霽月見真襟西隣未必懷嘗禴南國何特效貝瓊欲賦蹇裳酬六月天涯無限送君心

送慰庭歸河南

時清國欽差吳大澂來察諸將功過外國人流言毀慰庭留防諸將亦嫉其功而短之欽差按慰庭頗急慰庭慨然

即日西渡

名高人多嫉功成衆所忌此事古今同處世諒不易曩值危急日人皆斂手避黠者懷首鼠懦夫常惴惴事定反覓疵利口交漸漬遂將功高過摧折丈夫志君今浩然歸俯仰無所愧天日照孔昭賢才豈終乘相見知不遠努力勉王事

慰庭觀察以督理商務來駐

海水碧且淡海山縈以長結交期歲寒義氣凌秋霜豪傑似宗懋英達類周郎惜君四海志乾繫在一方不有藩屏固何以衛室堂昔別黯然愁今見喜欲狂愁喜非為私豈作兒女腸

卷江避暑集

丙戌夏余遭人言待罪卷江人家與沈遂山諸人相與唱和者也

次韻酬沈遂山定澤主簿宋敬山伯玉侍讀沈雪陸宜州孝

廉五月

默計行藏意窅然那知消夏此江邊久拋人事頻忘日靜對床書可送年漲退參差鴻漸陸江晴快活鷺飛天不妨身世還初服也伴漁

翁宿暮烟

又和五古一首

沈宋隱於詩大道懷經邦二鳥鳴相得風流滿湖江不願簪組榮聚首同一囚我病淹江舍時來伴寒缸勸以中山醪一吟傾一缸傷時歎累歎談古俗回厖寄興寫蠻箋筆力千斤扛自笑迷津者孤舟排濤瀧檣傾復楫摧歸卧有餘懷寂寞龍山隅顧影獨成雙春容大雅什投贈我心降何以報瓊玖芳洲採芷苙

次韻寄遂山

梅霏三日喚詩愁江水連天客滯留遠渚牛歸難辨渡羣山鰲戴欲隨流半生虛作風漂梗今夜應看月滿舟吾道蒼茫無處問渺然滄海一桴浮

連宵江雨漲侵臺十里陂田鏡面開頓覺胸中無一物門前早有白鷗來

次韻酬遂山雪陸

雪陸明將遂山

誰知後世著名芳只許漁樵共一堂身如老馬愁途遠心似遊魚怕餌香霽景改新梅過雨民憂暫紓麥登場有事四方憐風志送君去採鹿門桑

申洲陵來訪共次遂山韻

翰墨因緣歲月淡喜看匹馬入脩林十年流水淘塵劫一片閒雲住野心十里眼窮寧浦樹數聲風過鷺梁砧閉門寂寂榴花晚為爾開樽一苦吟

元春汀來訪共賦

嗟君佗傑竟胡然當世王盧共後前猶記濕遊年少日酣呼抵足卧
壚邊

樂此留連孰使然江山如畫暮帆前茶香初熟人來後詩句翻成鶯
去邊

萬事消沈思渺然遊仙一枕午窗前玉堂只信如天上金爵猶勞望
日邊

題友人所藏米元章畫障子

米顛筆下趨鬼神片楮零墨世所珍玉版白硯蕉心卷臂窠大字驥
倪跋醉來更作瀟湘畫瀟湘一幅水如銀浦澈潏潏天欲雨草樹羊
羊驚拂羽蒼梧峯下洞庭南壁上三時雲吞吐我來摩挲興更悠此
畫良難千金求付君無限烟波景乞我夕陽一釣舟

沔陽行吟集一

自丁亥六月
至丙子六月

丁亥六月余以廣州留守因事 嚴謹有湖沿投畀之命

謫沔川寓靈塔寺五年移住寺下花井里前後凡八年

夜步法堂前口吟一律六月

靈塔岩堯月影中樹林颯颯似秋風山門豈有前緣重世事都歸一
夢空火近西流時已晚天低北斗望難窮浮名到底還堪笑博得嶺
人喚相公

尹西亭送葛葉酒寄絕句一首次韻謝之

旅囚却暑苦無方葛葉新醪喜滿觴一箇山風吹入腹何來黃鳥喚
詩腸

元春汀寄詩慰暑天赴謫之苦次韻和之

陸陸飛鳶若墮渣
炎天行客欲狂呼
半生乾沒華容改
一點清涼世界無
把酒那堪親友
偏離鄉始覺逐臣
孤君今白首
猶郎署何日同舟
泛五湖

戲賦山禽問答

問布穀

布穀復布穀
禾苗滿前坪
縱布天慳雨
何望有秋成

布穀答

四野無曠田
布穀是我職
不須問天時
且可盡人力

問黃鳥

但勤修爾身
且莫掉爾舌
求友在省心
不在講好說

黃鳥答

我自發天趣
非關世人情
內省不自疚
聽之和且平

問杜宇

常道不如歸
不知歸何處
蜀土雖云佳
只恐不容汝

杜宇答

去國八千里
瑣尾舊臣從
但歸死無恨
豈敢望見容

再問

切切復哀哀
能悔當日事
歸來沈宴安
恐復喪汝志

再答

備嘗艱險久
庶幾許新圖
彼相安足恃
百姓幸憐吾

三問

却辭金闕裏
來向竊臼啾
我猶被放逐
何能為汝謀

三答

衰臆無所訴悲鳴溪樹巔此地非君所何苦來相纏

四問

爾聲催我歸月明歸路多欲歸無田舍其奈爾聲何

四答

山人自有里山翁自有枝君如無歸志微物亦何為

問眾鳥

空山本無聲眾禽何多事不去飲啄謀來攪幽人睡

眾鳥答

我不慕軒冕我不求利名空山太寂寞聊慰遠人情

呈道軒李兄

我昔髫髻時公來逆婦親孤單惟一弟充接東床賓瘦弱多疾病遺
尿滿彩茵哄堂成一笑倏忽五十春姊氏古女士慷慨不染塵憂我
官太盛臨歿戎申申道兄晚釋褐猶似布衣貧每歲趁候班旅食轉
悲辛居家何所樂五子趨昏晨五子俱賢孝箇箇如麒麟因問一甕
酒卷中千古人一飲一讀史陶然養和真送兒洵之陽寄絨慰逐臣
發書撫舊迹悅仰自傷神我心尚如童我髮已化銀昔日遺承笑今
成淚沾巾處世亦如此到處逢感頓已過伯玉年詎能望自新

朱賓甥館舍
時年六歲

次韻酬沃川宰尹玉居

十年宦業若炊沙澤畔孤臣兩鬢華春夢依稀如隔世生緣淡泊已
忘家心期迴照千江月治化遙傳一縣花拄杖寺門成獨笑故人消

息自天涯

與安厓石鼎遠共賦

笠後蕭然返古初負瓢時到野人廬庭梧飄葉涼生後山竹敲茶睡
起餘醉倒何妨村裏酒倦來聊覓枕邊書啼禽莫笑無田舍到處清
風室太虛

野田墟落接空門數點青烟鐺脚村時士相逢歌白石美人不見歎
黃昏鏡中白髮空憐志海上青山欲斷魂別後詩篇應滿篋今宵樽
酒細將論

一盃勸汝安期生江海文章早有聲相笑拍肩猶意氣高吟捉鼻亦
風情山中長物贈雲白湖上歸帆帶月明千載牆東成市隱侯門不
解去飄纓

送厓石

行人秣馬鐸丁東青豆晨燈一點紅月出虎溪愁惠遠草生南浦恨
文通寂寥誰慰泣籬岸迢遞難攀桂樹叢夢裏依微君去路亂山何
處不相同

詠蜘蛛

老蛛張網屋簷斜密密安排意願奢微物皆能知避害無心惟冒紫
薇花

詠蟬

萬樹鳴蟬鬧梵宮孤僧不語坐如聾有時忽斷青山寂無限秋聲在
腹中

七夕

鑿鶴無聲夜色逢
雲軒珠箔影逶迤
天孫老去情應薄
不遣今宵別淚滋

夜坐偶吟

獨坐悄無寐
清景少人知
吟蛩上欹砌
明月瞰虛帷
夜淡風露重
山木盡垂垂
繁霜一朝至
豐草行將萎
流光迅若水
華髮日夕滋
誰能久駐顏
功名亦有時
逝將息塵機
服食追安期

明月下西軒
流輝散林樾
涼風收積雨
萬里氛埃絕
仰看天寥廓
衆星何森列
北斗正闌干
玉繩轉明滅
蒼龍奮其角
維箕翕其舌
織女終日勞
杼袖久已竭
浮雲互相踰
衣狗變俄忽
惟有古時塔
亭亭守巖窠

次安厓石見贈韻

別後山扉幾夕曛
雨餘秋氣已三分
奇文恨未逢
時賞虛籟偏多靜
裏聞寂照
心如潭印月
漫成丹鼎收
雲興來獨去
忘形坐惟有青林鹿與羣

次韻贈印元會

蓐收初至導蜚廉
庭樹涼生起病淹
小雨隨雲歸別浦
遠山吐月入低簷
君能持酒慰幽獨
我欲詠詩招隱潛
漸覺閒中清意味
客來惟進水晶鹽

夜坐無寐復次前韻

至靜原來性
近廉山中無事可
長淹隨同老石
時聽講留住閒雲
暮宿簷身淨
六根忘喜怒
夜空萬籟息
飛潛眉頭尚有人間事
豈爲區區米與鹽

與沈默庵 聖澤共賦

一天夜色轉紅牆，白露淒淒惜衆芳。
人事難期山木壽，秋懷遙入海雲長。
相迎野服鬚眉古，慣嚼畦蔬口齒香。
何日扁舟溯洄去，故人多在水平傍。

七月二十六日即室人亡日五週也追叙悲悼之懷作八截

世胄坡山推石門，父賢母孝無他昆。
可憐四歲悲風樹，鞠養偏蒙外氏恩。

婉孌常承叔孀歡，一家和氣渾無間。
城西僦屋貧如洗，十載曾無戚戚顏。

浮榮奚取市童憐，數頃元無負郭田。
偕隱鹿門空有約，高風多愧孟光賢。

夫子將登萬里程，怡然相送若平生。
知吾素有桑蓬志，不作濃閨戀戀情。

星槎東返兵戈際，十口團圓未始料。
少別經年還聚首，自然憔悴減圍腰。

兒官太早不須求，女有夫家且莫憂。
病裏無他悲楚語，翩然捨愛向山邱。

西望伽椰暮色蒼，重重峯壑想雲裳。
東床舊客餘衰髮，淚滴青衫洩水陽。

如聞兒女哭煩冤，那得天涯酌一樽。
垂老羨君先我去，泉臺長得奉晨昏。

與安方山 基遠都事共賦

蟲吟在壁室幽幽客榻翻驚歲月流
剪燭慙慙無永夜擊壺悲慨有
高秋南來始見光黃隱早歲曾從伯仲遊
白露滿空河漢溥不知何處是瓊樓

與黃書橋石洲共賦

斗酒斟來若飲河白頭傾蓋意如何
野禽秋熟新羞足渚鴈雲晴遠
計多牛角幾年觀漢史鹿鳴今日侑周歌
書橋將赴秋園云客廚草草休嫌
薄鷄黍情真勝紫駝

照壁寒燈曉夢依五雲淡處却來歸
孤臣有淚沾裳佩聖世無才
補衮衣人似千年黃鶴返心隨萬里白鷗飛
詩腸礙磊為君瀉莫遣良宵酒力微

送金宜煥主事

四座無言酒數行明朝送客沔陽城
野橋水盡征驢穩海國秋深旅
鴈情衰髮相隨夷險際異鄉難遣去
留情歸程歷歷心中計應到銅
津月正明

中秋夜與黃紫泉鍾教共賦

稻鄉有此可憐宵人影歌聲渡野橋
四海共攀明月近三盃渾忘故
園遙誰知倦耳為佳土可惜馮唐老
聖朝歎息秋聲因欲賦青蒼一
夜變庭條

佳節逢君可永宵登高何必廣陵橋
侵巾露氣清仍濕入戶蟲聲近
更遙處世那同金百鍊懷才堪歎玉
三朝吳剛玉斧年年伐無恙秋
風桂樹條

送家兒還京

洞門匹馬出遲遲此去京城幾日期庶望承家能守訓愧無授藝足
需時秋懷惻惻難為緒世事茫茫不可知送汝歸家何所贈漫成惟
有一篇詩

次韻酬申洲陵正郎

素翁一去碧蘿門文藻寥寥社北村零落親知同逝水峻嶒病骨怕
淡樽漸忘塵事還稀夢欲瀉秋懷已斷魂列上詩人猶健筆何時剪
燭聽高論

與黃紫泉共賦

不落園容舊日非永州水石客忘歸青雲未必施於後白雪何嫌和
者稀秋熟田家無緩步山寒旅榻欲添衣近來世事如碁局拂面西
風誰解圍

何處傷心戲馬臺東籬秋色菊盈盃有生難道癡心斷微子安能笑
口開澗壑新霜鴉舅老江湖明月鴈賓回松門霹靂通幽徑日夕應
須二仲來

李澹寧學士直騎省寄信及五截一首次韻三首和之

誰能免知公定不驚即
今靈塔寺依舊廣陵城

李子鳳樓手高名四座驚早聞江練句贈炙謝宣城
清宵直騎省潘鬢逢秋驚聞說宦情薄解官將出城
不聞人世事無懼亦無驚始識雲山好住家莫近城

金石貞自茂未來訪

纔從澗瀨下清灣我友招招待我還得酒一盃猶屬饜讀書千卷未
窺斑人生歌泊恒靡定萬事商量竟屬閒歲暮金丹消息香不禁明

鏡照衰顏

西湖信美豈吾鄉
閉戶佳辰欲斷腸
白首悲秋挑燭盡
黃花滿地引盃長
中宵落木蕭蕭雨
別浦歸鴻點點霜
總是習中礮
磊氣詩聲悽社似漁陽

盡日清輝在碧峯
不聞人語聽疎鐘
細通竹窺泉聲迴
斜覆琳宮塔影重
歲久楓人多壽相
苔澗石丈見壇容
有時寂寞松根慙
雲起無心似我慵

朝暮西山放鶴飛
白雲深處伴僧歸
人閒怪鳥頻窺戶
客去清風自掩扉
我始欲愁秋正暮
樹猶如此葉全稀
祇緣未罷遊仙夢
珍重鷗盟十載違

紅樹清溪古沃州
玉居高宰鳳湖休
月朝講讀修鄉禮
暇日壺觴集

郡樓好事天涯空
悵望孤臣澤畔滯
窮愁煩若代道相
思若把臂何

時續舊遊

玉居為沃州寺設鄉飲禮每月讀約與郡中士友飲酒賦詩朴風湖來官居家居沃州石貞自沃未說兩友進隨之

樂之

滿壑秋聲悄倚欄
百憂湏洞上眉端
身同魯婦恤機緯
情似衛姬思竹竿
才劣空添雙鬢白
罪深敢暴寸心丹
已過萬水千山苦
回首更吟行路難

又次前韻

倚斗寒宵月上欄
玉京迢遞暮雲端
人情冷落千金骨
時事艱危百尺竿
老去看山成瘡碧
愁來得酒借顏丹
殊鄉佳節亦常有一段
秋懷最造難

黃紫泉攜酒而來與石貞共賦重陽詩

空庭盡日葉聲喧古寺重陽畫掩門詩似秋山渾見骨病如春草未
除根槁容合受黃花笑衰髮不禁烏帽籠為子一盃聊強飲海天搖
落黯傷魂

別石貞

分手恩恩會面避相逢此日未曾期窮途况是荒寒地遠別殊非少
壯時老鶴渴澄憐病翅饑鳥落泊失棲枝他宵何以慰相憶靜對秋
山讀子詩

夜賦一首

秋聲在樹若敲金掩卷中宵費苦吟將醉不成村酒薄欲言已忘佛
燈淡客中節序蕭蕭雨海上風烟漠漠陰願有人誰得似黃花一
朵冷難禁

次韻答申白坡獻求侍郎

牢鎖心猿鍊大還河車轉轆度三關長空萬里秋雲捲無限晴光海
上山

山中萬木靜如眠隻鴈南征響暮天今夜分明霜信至商量籬菊獨
超然

風雨依然復對床尺書來自白山陽為言近日休官好華髮祗緣憂
國長

道軒丈寄五古二十韻知余近閱丹經詩中有丹經在案頭
之句次韻奉答

抱素每求靜印壑茲淹留莖徑連丹壁芷坡帶澄流靜閑空山籟萬
木吟清秋疎鍾落烟際孤塔矗雲頭鴻鴈來遵渚麋鹿鳴相求搗笮

時獨往陟高恣奇搜大海一泓碧羣山霽景收豁然釋捐念冒襟蕩
優優搔首悲短髮騁矚意轉悠誰知湘潭客奇絕有此遊途遠日已
暮行者嗟未休何舒魏舒指李陽遠相訊問關來海陬執手問堂候精力
尚健不謂言劬經史炳燭逼前修自笑鍊丹術區區為身謀根基奈
淺薄神造未易偷冥心寂返照光景滿玉樓但可省煩慮豈望跨青
牛守口以止謗息文以寡尤飛鳥尚知止紛紛暮林投

次韻酬鄭康齋憲時承旨排律二十韻

鄭子服詩禮明時登俊才挺林一枝桂調衆百和梅甘旨陵廚養耿
光仙仗陪揮毫摘藻麗舉酒盪宵收撥屈松筠操常憐檣櫓材周旋
淹歲月磋切資風雷積釁天難庇浮名鬼所猜巴山倚斗望秦嶺迓
雲來寺僻孤僧守秋深萬木摧野蟲坯戶入渚鴈隨陽回多病常須

藥消愁數引盃汀蘭身結佩籬菊手經裁眠石仍當枕擁爐漫畫灰
榮枯分有定離索意難裁忽奉瓊琚贈恍如雲霧開試將酬白雪旋
復戒烏臺初志今衰矣前修愛邈哉幸蒙還井里誓欲謝塵埃朗詠
竊懷瀉端居急景催艱虞雖溢目匡濟仗公台

十月三日生朝

為客年年節序忙每逢生日劇淒涼蓬萊閣迴龍吟海壬午冬再入天
津舟泊登州登臨蓬萊閣是日即余生朝也浮碧樓高鴈拖霜辛巳冬以願逸使入天
亦生朝也又見孤臣當歲暮却來荒寺坐宵長明年不識歸何處且向佛
前燒炷香

重陽前日翠堂從氏與客賦詩詩中多述懷戀之情因寄送

詩卷次韻和呈

中宵多感轉腸輪 聖主知臣即罪臣 不恨南荒濱九死 那將寸草報三春 浮沈大化應無懼 貴患平生若有身 垂老不堪相憶苦 逍遙堂裏對休人

次韻酬沈遂山主簿

有志難禁雪上頭 十年郎署謾沈浮 心存司馬九分地 氣壓元龍百尺樓 人事難期星落落 歲華不住水悠悠 新詩裁報七哀錦 酒後一吟消客愁

大觀亭子挹烟波 江上秋深落木多 經卷藥爐應不廢 沈郎瘦削近如何

水國霜清鴈正肥 西風透冷芰荷衣 田間斜日負瓢去 却喜鄉人知我稀

榮途軒冕隔生如 溝壑今來復返初 餘年補過知何術 十載篝燈讀

古書

皓首求仙計亦疎 冥冥忽忽入窠初 不知鼎器已衰敗 燈下細看修

養書

遂山詩有此燈應讀進家書之句 余近得修養書卷試一二故云

潤樹生寒夕 照蒼漁樵事 華各歸忙 山中孤客無歸處 獨向東峯望故鄉

滿腹經綸家食自 出門便覺此心違 何時果副花箋祝 飽看湖山得

意歸

遂山所寓花箋橋有兩句其一云滿腹經綸家食時其一云飽看湖山得意歸遂山云以此兩句為說遂之詞以首末兩句

反之原韻 稍為變通

次韻答黃紫泉

山中無事日高眠 藥裏殘書擁後前 夜久話僧燈欲地 雲深阻客榻

常懸松依石老經冬健梅負白暄得氣先歲暮禪齋蕭索甚讀君佳句味淵然

驂驪時序過愁中南陸義輪路已窮遠客佳辰悲杜老昔年壯志愧終童盈盃豆粥循鄉俗飛管葭灰驗歲功未必仙家須曆日芝歌聊

答夏黃公

紫泉詩有謝送新曆之語故云

陸生鍾倫自京來訪

梅花纔發客來初風雪禪扉慰索居閒話休提山外事奇文快讀篋

中書

陸君示所著論十餘篇多論時務深陳利弊

閒關修道層冰滑搖落寒鍾古木疎經

歲旅遊船已弊幾曾扣鉢數無魚

與印陸兩君賦梅花

為誰容悅為誰催不待番風獨自開澤畔荷衫憔悴立帳中蓮步踈

跚來翻嫌冷淡悄無語肯許疎狂頻舉盃只恐人間留不得驂鸞何日上瑤臺

送陸生歸青山

送客柴門掩旅囚轉寂寥詩寒梅欲瘦愁積酒難消沔水湯湯去青山歷歷還歸家當歲暮風雪渡前橋

曉枕賦一截

山外村鷄不已鳴睡餘神思未分明記得上方鍾已歇猶有虛空梵唄聲

與諸人賦除夕

佛燈如豆漏聲微玉管葭灰已暗飛萬事應逢新歲好餘生漸覺故人稀候班夢逐千官珮琴操心同百結衣春色明朝依舊到山中孤

客未言歸

新羅百結先生家貧好琴歲除夜作梓曲登海東樂府

讀居空山又值歲除百感交集擬賦一詩述懷而不欲作窮

愁語聊為新年頌禱以代封人三祝

靈塔寺裏逢除夕遠客無眠鐘聲寂點檢平生尤悔多年光倏已過
半百生世無裨國與家老作湘纍吟九歌眼看義輪如激矢餘年那
得補前過但願嗣歲風雨順高康如峯蔀屋潤耆艾處處登衢謠西
京不須議貸賑再願朝野無艱虞四隣輯睦豚魚孚山頭日見平安
火終歲不聞警雀符又願拔茅登俊彥圭璋顯中仁風扇明良際會
庶績熙塗鋪至治民於變臣罪如山理難容猶蒙涵貸雨露中一壺
濁酒聊自慰且與農夫歌聖功

戊子正月十四日

落梅歌罷意悄然強學兒童坐不眠春意不因風片動鄉愁更被雨
絲牽應無禁夜遊城裏那得披雲到日邊預借良宵須盡醉枕庵料
理畫叉錢

與紫泉元會共賦

文虹氣鬱斗之南萍水山房共苦甘百歲浮名同草木二年歸夢滯
江潭白雲已挽野心住雜樹猶看生意含一幅春山君有畫毫端無
數起晴嵐

紫泉為余寫靈塔四時景圖

階草生胎湖日遶閒來事事愜幽期尋常掉臂皆真佛慘澹樵髡便
好詩閣裏春光梅結子自問畫意竹橫枝雪霜花葉山中景旅榻居
然閱四時

雲影重重塔影層海山夕眺此堪登郡樓畫角春風送浦戶寒烟暮

色疑百代光陰如過客一瓶身世伴癯僧天門咫尺通呼吸欲御冷
風恨未能

松下人眠鶴立孤筆淋茶竈一塵無山中名物羣芳譜鏡背真形五
嶽圖日暝蝶奴癡欲動風晴鳩婦懶相呼春愁近日濃於酒釀得詩

心滿玉壺

紫泉有五
壺圖詩

不待山門折簡招興來攜酒赴良宵屐痕常印鰕腰筇影時橫鴈
齒橋慣鍊世情身似鐵妙臻詩境思如潮眉間鬱鬱緣何事猶有豐
城氣燭霄

次韻呈地主金丈寅秋

寂寂枕庵鎮翠微何勞皂蓋向山飛官廚如水懸魚淨村里無聲吠
犬稀病榻情殷時裹飯空門緣重欲留衣窮途深感主人遇客驚春

風不敢歸

與黃紫泉共賦

為客經年似故鄉春風不到鬢邊霜榮枯過眼田三變行止隨身硯
一方溪柳將看隨手舞村醪劇愛透肌香閒來志事摧顏甚自課工
夫午睡長

春日與諸詩伴登靈塔作

名山河處可誅茅隨意尋韓且覓郊行處蒼苔開藥逕歸來白石煮
松梢林園日煥烽輸課臺榭風清驚理菓野服如今還本分莫教猿
鶴謾相嘲

古來靈塔幾人經盡日相看似敬亭遠水拖藍僧眼碧晚山濃黛佛
頭青林間息跡非逃世宇內同君暫寓形底事花前相醉倒免教漁

雲集

寺

卷之三

四十二

父笑人醒

踏青天氣好掃榻喜逢君醉去頓忘日興來易過雲霄中屈奇策野
外少新闌衰髮燈前照相看鶴一羣

蓮花世界接清都苔篆依稀綠字符鎮日松笙鳴澗壑斜陽牛笛下
平蕪白雲起處詩將就紅杏開時酒欲酤莫讀永州山水記溪潭不
幸遇愚夫

春來消瘦帶圍寬得酒逢君且盡歡滿眼韶光羞白髮何時故里返
黃冠若吟難續如三鼓萬學全疎已十寒閱盡炎涼猶古色青山莫
作世情看

多謝東君會我心天晴昨日好登臨誰知缺界多風雨却把芳華變
古今抱藥殘花惜惜別依巢幽鳥冷愁侵紛紛開落關何事一笑看

山批鼻吟

直抹蒲席兩餘涼蒼翠和烟鎖上方送客柴門芳草迴懷人落日遠
山長卷中贈答迨元白世外棲遲問綺黃有志當時年少事休將十
策獻開皇

鄉愁日日望山烽迢遞京城路幾重多病常愁文苑渴無功猶望酒
泉封每從郵遞撥家信權借僧廚設客供數頃薄田湖上屋晚年身
計在明農

澗溜琮琤響珮環經聲貝葉在雲間花前卧酒紅潮落松下眠琴白
日閒世事遙聞如隔霧春愁難破若重關經年鵬舍休嫌久奇絕茲
遊飽看山

意到何須卜日遊野蔬村酒不難謀林霏朝過春將晚山鳥晝呼境

轉幽白首幾成交臂失青雲
豈得執鞭求疑塵滿席無煩掃四海如
今一室憂

利川俞白渠持平攜筇專訪其意可感相阻八年之間容髮
無改叙故舊道存歿悲喜交集矣共賦一律

兩地相勞夢裏尋何期把臂坐松陰
如今零落親知少記昔追遊歲月
淡衰老難逢談快事行藏多愧負
初心憐君顏色貧猶好曳履高歌
若出金

詠辛夷花

余曾作辛夷辨
在原稿之中

辛夷花發兩昏昏影入清溪蘸筆痕
茄子倒垂真肖貌

村人不識辛
夷喚作茄子

花蓋謂其
形似也

芙蓉半吐欲還魂可憐寂寞同
凡卉誰與支持在僻村春

酒一盃聊勸汝幾時移植到名園

與黃紫泉共賦

淡春天氣正清佳黯淡詩愁不可涯
數朵殘花能殿後一叢啼鳥各
言懷旅囚盡日山當席古寺無人
草上階若道此山商雉近綺黃高
隱與之偕

綠秧春水細如毛溪畔人家映碧桃
待子不來黃鳥晚有時自去白
雲高世間北海寧知我樓上元龍
氣尚豪久客山中多送別洞門是
處即勞勞

休把行藏問季咸山童慣製芰荷衫
糧分老鶴兼三口居就孤僧共
一巖安得方便能解脫回思往事
隔塵凡纔離宦海波如鏡無恙春
風掛布帆

滿簾山色碧如藍數樹桃花宿雨含
隴麥波生纔沒積谷桑葉穉欲

眠蠶棲林未必魁奇士處世不妨愚魯男有酒勸君須盡醉青春將暮我何堪

白首憐君尚屈沉窮途強與許知音半生虛負丹砂鼎千里相思綠綺琴春夢支離還易忘村醪淡泊好頓斟殘脂剝粉都消盡依舊自前碧玉岑

與書橋共賦

幽篁鎮日鳥聲清山下春陰覆野城蘭佩行吟非獨醒蒲團說法是無生桃花落盡村容暗鶯子歸來草色晴細讀君詩其有味風騷文繼杜家名

感君一曲和君歌芳芷杜衡離恨多閒似子西山共靜清如李主兩新過詩人老去春無力 聖世生來海不波脫帽松陰仍醉倒相逢

誰識我為何

浴佛日與諸客共賦

浴佛天晴步碧皐一竿火樹倚松濤盤登萬筮軟包飯觴泛杜鵑新釀醪節物異鄉傳舊俗風流今日屬吾曹緬思京國繁華地千佛家

家放白毫

河川人善
釀杜鵑酒

蕭然客橐似僧包篋裏羣書雜俎看衰貌不須醫獺髓殘春無計續鸞膠芥舟自泛能遊蟻匣劔濃藏可斷蛟憂患閱來方好道明白點易靜觀文

與李愚泉元璽共賦

霜蹄蹴踏絕塵飛垂老如何尚布衣一夜青眸傾蓋晚半生白雪和歌稀迎風囑下琴書淨欲雨山中草木輝耆舊襄陽今已邈寂寥韻

雲集

詩

卷之三

四十五

事與誰歸

李生言德山素多文人故移家就之今無存者社中寂寥云

與書橋共賦

野老何曾識帝堯豐年歌笑即衢謠世情歷落難窺管身分清閒欲去瓢田事未完牛脊瘦草腸易飽馬蹄驕靜中一念充區宇為善奚須大腹腰

藥欄東畔數畦田柿葉濃陰蟹眼泉石老十年抽玉筍山來平地湧金蓮斷除塵事階馴雀句引羈愁夜聽鶡嘿數愆殃淡打坐痴人錯道學為仙

與紫泉共賦

寔事元宜祛彌文當為何必欲云云雍容鼠拱猶知禮森整蜂衙若御軍物理天真皆有合世情歧路謾多分東峯明月應如燭莫歎虞

淵已夕曛

達人從古避要津千載相望似隔晨末路功名悲小草長程風雨歎勞薪窮居還覺詩無賴小禮猶看酒有巡白首蘭皋遲暮感長瞻化日頌堯仁

冥冥兩耳不聞雷靜裏渾忘歲月催舊契在心鶯喚友佳緣無路鳳為媒綠秧經雨活新髮紅藥翻風刺半腮快讀君詩清似許從知神匠謝刀裁

滿山空翠一書齋松籟暮聲韻共諧僧懶拾薪清湖曲村溪打麥白雲崖六根迷障塵勞洗萬古閒愁酒力排獨寤豈真長往者不妨醒醉與人皆

割麥種菁無曠畦香芹出水剝青泥迤迤湖道彎如坡高下石田懸

似梯睡起松陰時遠睇詩成柿葉且閒題
曾中一副存印壑苔葦何嫌置雀棲

申白坡侍郎效權石洲天何蒼蒼歌寄余和之

天何蒼蒼地何茫茫星辰何以麗日月何以光
風雷何以薄寒暑何以忙春何以發育秋何以
夷傷飛潛動植物洪賦孰主張人生其間香一
粟如乘芥舟泛坳堂憂患苦樂迭相攻怱怱百
年已渠央途遠日將暮行者猶遲遲所求者何
事錐刀與毫芒福兮禍所伏禍兮福所藏何貴
何賤何得何喪何鄙擁短褐何慕被黻裳失之
何戚戚得之何揚揚何人才如錦何人舌如簧弱
或畏如鼠強或悍如狼或入黨籍錫碑石或著
勲庸垂旂常或先咤後笑或朝羞暮良回頭一
望成陳跡滄海變芑桑古來達官華屋處纍纍
相似歸北印人言不死

術服食可休糧乘雲輕舉遊三島顏色如花度
千霜千霜復幾日邯鄲一夢抵熟梁原壤無學
未為壽汪崎執戈豈是殤東方有高士鐵石鑄
肺腸軒冕非所愛印壑常不忘積金至斗難回
志浮沈大化不憂惶我欲從之道路長西方有
達士嚶嚶自稱狂仰視薄湯武俯視陋漢唐放
曠無拘檢有如天馬不受韁我欲從之川無梁
川無梁不可涉褰裳遙望涕滂滂人生孜孜為
形役未見種福徒樹殃浮名消盡還初服胡為
乎失路而依依貧賤固所有令聞誰能彰君不
見不材之木當塗立宜爾置之於廣漠之野無
何有之鄉

次韻酬洪蘭坡時模絕句十首

迂踈不合在朝端况復風樞少定瀾白頭忽覺
紅塵夢五夜山樓一磬寒

雲集 卷之五 四十一

天地悠悠一旅亭征車萬里幾時停行藏莫問滄浪叟不忍明時作楚醒

卧數愆殃和病吟旅燈相守一僮心看渠癡絕還成笑簷鵲朝朝望好音

閒寂禪扉掩葦蕭把盃凝望瀉牢騷遙知白鶴翱翔處瓊閣依倚在九霄

鴻泥舊跡感年華慈壽橋連洞紫霞書香寥落楊雄宅文藻淒涼宋玉家

松陰一架半弓筇勝事寥寥般若臺遠客孤僧同結夏墻邊再見紫微開

消愁半日對楸枰半日賴眠作課程點檢前中無一事故人詩債獨

關情

清緣翰墨記同遊落落參商閱幾秋十二梅花消息斷夢魂一去點

難收戊寅己卯間社設梅花十二會

千里誰能寄尺書茂陵獨有病相如蠻牋十幅相思字不恨經年音信疎

志事摧頽負壯圖漫將弊器補丹爐冥心靜坐如枯木誰識今吾異故吾

次韻酬沈雲稼

生何碌碌死何遜慚愧菲才負盛時此世無人容棄物青山獨也不相疑

得失紛紛問塞翁塞翁不有歸蒼空蒼空無語吾誰質萬事商量酒

雲集 詩 卷之五 四十一

有功

哭古人猶賀古人賀君先我渡迷津支離苦海還無厭又覓仙山不

死春

雲孫開余作三哀詩寄詩云莫向重泉哭古人人間苦海渺無津

與紫泉共賦

久作山中木石徒時來時去白雲俱家貧相憶梁鴻婦才劣堪羞顏
士奴掃石坐溫迎客話登高腿軟倩人扶逍遙印壑亦 恩賜幸得
衰年養病軀

依斗巖

老石嶄巖立翠微嗒然相對俗塵稀心懸落日常依斗身御冷風吹
振衣從此茲印應賀遇誰令遠客久忘歸浮雲渺渺迷西望五十年
木事覺非

五月二十九日夜賦喜雨

天意人情亦可謀枕邊聽雨喜難禁乍聞驟霖簷鈴細漸覺滂沱池
水淡 聖主方紓宵旰念齊民應解怨咨心枕庵孤客偏無寐起舞
中宵擊節吟

追和先從氏學海公韻贈崔梅溪

吾家康樂善言詩不見人琴十載垂蕙墨猶傳春草句淡零蘭佩讀
遲遲
青春結識在東湖珍重心期照玉壺此意歲寒猶不改經年相守海
之隅

贈月海師

窮旅寓初地冥棲息塵心攜杖何所適東庵有瞿曇共結廬山社時

雲集

詩

卷之三

四十九

和鷲嶺吟師本名家子遜跡寄叢林厲志邁精進持戒祛貪淫雲遊
遍方域竊討恣幽尋蕭然瓶與鉢歸來索無金勤勞食其力面貌瘦
且黯拾薪煮湖石耕畝披谷嵐倦尋白雲逕寂寞憇松陰臭味如風
好異苔即同岑山齋經寒暑相守共苦甘漸遠煩惱想清談到夜深
涼風吹不絕明月來照襟窅然欲忘我虛空流梵音

雲養集卷之三終

雲養集卷之四

清風金允植洵卿 著

東萊鄭崙秀伯河校正

檜山黃炳郁進文編輯

詩

沔陽行吟集二

自戊子七月
至壬辰季冬

詠莎鷄

七月○幽風七月篇註莎鷄蟋蟀一物而變名余嘗
疑之在靈塔時驗其非一物著有莎鷄詩在原稿中

雙股按浮鼓翼鳴尋聲暗自草間生看渠不是凌寒物誤得幽風蟋
蟀名

與紫泉厓石老圃共賦

新涼隨客入郊墟一別經春喜執裾碧樹無邊蟬歇後遠山如覺月

生初家貧應有馮驩劍路盡方回阮籍車萬事年來都遣了烟霞性癖未全除

繩牀睡起午陰遲正是庭梧欲落時黃皓芝歌雲岫暮成連琴意海山移湘潭離恨泣青瑛湖海詩名齊白眉萍水一樽喧笑罷不知主

客是為誰

黃皓指紫泉成連指老圃湖潭自沈湖海詩名指佳石也

七夕日登依斗巖

新月如眉妬夕陽天風萬里海雲長黃姑料理迎郎事一面先排碧簾涼

敬和翠堂兄買鶴詩

家兄翠堂寓居京城建春門外官業清寒有一僕買鶴而獻之能翔舞盤桓于十笏之庭每邀詩友開樽輒清咳以

侑之座客莫不灑然稱賞因各賦詩以神其事余時謫居

于湖西沔陽山中家兄寄書詭之且命續和遂次韻以呈

仙姿何事落塵間為有主人常好顏玉局因緣知宿世金門咫尺便

青山貧猶分俸生涯淡夢亦巢雲身計閒向暮盤桓天際去西湖遠

客幾時還

與紫泉諸客共賦

亂蟬斜日坐林窗村酒賒來古色缸小雨那能沾旱土晚矣鬮想濯

清江貧猶飲水攜瓢一病亦登山理髮雙且喜漸忘蚊嘴苦涼宵快

活對蘭缸

小洞天開一兩峯仙靈此地昔遺蹤槐根苔沒丹砂井石壁雲深偃

蓋松生世元無才學識謀身不及賈工農山中逋客經年久猿鶴無

猜倘見容

題靈塔四時景圖

崇光人所畫

春

烟嵐迷古洞瘦石帶花紅惟有耕雲客笑歌落晚風

夏

飛泉瀉丹壑宿雨滿穹林憔悴誰家子披蓑澤畔吟

秋

烟霏斂將夕山木盡秋聲石徑孤僧返斜陽塔頂明

冬

山寒夕氣澄林外孤烟歇驢背倒篋冠仰看松上雪

中秋日雨中

石徑蕭蕭萬黍風
蟬噪轉頭空離懷遠望三山外
佳節重逢八月中
乘興濁醪猶有力
過時甘雨亦無功
天灾偏及堯湯世
朽木傷心大小東

殊鄉送節去年同
忽聽秋聲問小童
衰髮那禁千丈白
疎林已看二分紅
野田荒落愁飢雀
水國蕭涼見早鴻
莫向巫咸椒糝卜
窮通一任碧翁翁

贈尹西亭

著書身與等錦軸
烏絲欄誓不因人熱
心猶庇士寒高吟
山木振老病酒盃寬
襟被東陵裏
做官良亦難

秋日與書橋二松共賦

虛白澗坐撫孤桐
流水泠泠世慮空
物理乘除推撲滿
鄉風淳古憶

雲養集

詩

卷之四

七

禪通幾度韋林風雨夜一篇幽野畫圖中意氣秋來蕭瑟甚引盃看
鈿謾稱雄

一夜秋聲若決江幽人不語對林昏閒愁驅盡猶遺種佳句吟安更
覓雙歲晚浮圖棲義鶻客來洞府吠仙扃荒年一醉非容易紫林新
香泛瓦缸

野服蕭然返古初山中木石與同居林間多事呼名鳥卷裏偷生食
字魚入夢顛腮穉嬌戀經年音耗故人疎秋懷滿眼誰能寫惟有長
空鴈字書

炎威衰落謝明都颯颯金飈墜井梧古洞雲收千嶂出疎林露冷一
蟬孤二年羈迹常依斗中夜悲歌謾擊壺何日飄然乘興去滿船明
月泛東湖

山氣秋來日夕佳清宵藜杖步丹崖迷離衰草連官道錯落疎星隱
巷槐三折未能醫俗病九還那得鍊塵骸且將多少眉憂事呼取酒
兵盡力排

秋天如水滅氛埃一片水輪宛轉來文府流輝揚壁彩邊庭無事隱
河魁幾多瞻仰歌雲漢愧乏經綸配水雷歷歷白榆來復往不知歲
月此中催

三五入口見天真廣漠無何可作隣百年多病常為客一日逢君便
是春慣閱世情山亦老狂搜詩思海應貧田家莫怕嚴霜早猶驗天
心未絕仁

經年蕭寺伴僧寒竹榻蒲團坐卧安歲暮巖松清士見盃潑村酒鄙
夫寬有才羞下君房筆遭世誰彈貢禹冠除却風風兼雨雨良宵明

月幾時看

休把移文送北山如今蕙帳劇幽閒絕無塵事來煩耳庶學神方可
駐顏月地光明魯連像酒名清聖伯夷班人情孰不吾虛愛坐看林
端倦鳥還

求仙何必訪籃橋高士元多隱緯蕭少日心期空比稷明時生老幸
逢堯終知宦海無恬浪豈識山門又永宵物理且將平等看笑咬吁
喁摠寥寥

佛龕潑處作書巢萬念灰寒已息交露冷林鼻聞嗽鶻秋澆澤國隱
蟠蛟且將蘭芷修香珮誰見江湖泛大匏好客來時兼有月不須今
夜歎無肴

君且停盃聽我歌象王山外夕陽多有生滄海如浮粟無奈光陰易

爛柯何用遺碑沉漢水空聞良玉在岷峨隔窗絃語泠泠細愛有何
人唱踏莎

掛搭山房似出家蕭然瓶鉢寄生涯夜深庭樹常聽雨秋早園林半
染霞詩境漸臻如啖蔗世情不慣若炊沙行人應怪清狂甚依斗巖
邊醉帽斜

殘蟬瘦蝶共秋陽過去繁華摠若忘世事循環皆爾許詩愁浩蕩那
禁當九天霜氣鴻毛重滿院松濤鶴夢涼檮盡數莖吟一字纔登楮
墨便尋常

烟霏斂靈洞天明古寺荒涼桐葉鳴大地山河皆灑氣文章箕斗摠
虛名古來豈之明時過此日難為遠客情諸佛無言成掛口寒蟻獨
有苦吟聲

孤菴烟歇返樵青
拄杖看雲月滿庭
空有壯心猶諱老
方酣春夢却疑醒
滿壺濁酒書為下
繞石清泉藥有靈
四座風流文藻富
此鄉無

怪直奎星

談星者云河川雷奎星分野故多文士

疎林透照上方燈
玉宇迢迢不可登
無妨昏眸書卷廢
最難旅夜漏籌增
行藏還羨投林鳥
意思渾如罷講僧
點檢平生成底事
饑餐渴飲是良能

茶餘詩思舌留甘
終夜鷄函聽妙談
天闊星辰皆拱北
秋深鴻鴈盡流南
紛紛世事殊吹萬
寂寂禪心入味三
藥裹隨身衰病甚
桑蓬初志愧為男

絃語如聞摘阮咸
江州孤客淚青衫
三更虛籟嗑南郭
一榻閒雲閉廣巖
始信浮生苦為樂
元非恒性聖殊凡
如何百谷清泉水
纔到東

溟使作賦

贈別李甥容珪

李甥始並仕來見

烏帽青袍訪海隈
相看喜氣滿林邱
浮名元自無心得
寔事應須盡力求
羈懷難禁燕語夕
歸鞍正帶鴈聲秋
年年送汝山門外
不是今朝始別愁

次韻答華雲上人

丙子夏余持斧海西
寓乾寧妙音寺華雲上人年七十餘能詩善談後華雲移搭于楊州高嶺山普光寺聞余謫居泗川寄書與詩故次韻答之

緣法無邊香難想
百年聚散一浮漚
解衣卧水雲生腹
師在妙音寺嘗見著月襟

雲叢集

持

卷之四

六

外漢中遊著余欲作華雲卧水圖未果 拄杖看山雪滿頭 華雲善說風水 桂子曾吟蕭

寺月椰冠遙問海山秋頂門安得醍醐灌一洗人間萬斛愁

重陽翌日與成老圃黃書橋印菱石次杜律韻

紅樹中間闌小堂蕭蕭寒雨暮山蒼魚苗上釣溪看足雲子經炊野飯香酷愛烟霞成痼疾屢經裘葛識炎涼無端慷慨無端笑自是秋懷不是狂

空林疎雨喚愁生酒盡燈殘夢不成家鄉北望千山隔身世南來一葉輕有生難免秋聲感無事方知夜氣清鴻鴈不來所思遠瑤琴三尺有餘情

十一日又與前人共賦

人生會見幾清秋莫惜隣壚費杖頭老去流光同逝者故園黃菊已開不風烟滿地如巫峽憂畏關心似岳陽南望海門天水接何時浩

蕩逐輕鷗

招提寄跡已周星口似金人守古銘霜冷野蟲時入宇僧閒林雀自來庭籬香不斷瓶間史藥草空尋海外經身在廬山山不見夢中幾疊好雲屏

與紫泉共賦

長歌天地放懷寬擊節銜盃且盡歡不妨曼卿為酒隱一主于美誤儒冠秋淡巖戶蜂糧熟木落江皋鴈陣寒莫歎黃花開未早霜天寥廓更留看

與芳居紫泉石雲安香初共賦

香初匡石一號

蕭瑟黃雲半作陰殘秋客緒政難禁飄零海曲雲雙鬢邂逅山房月一襟少日桑蓬悲壯志如今蔥竹尚童心相逢盡是休官客湖上鷗

盟可共尋

殘霞樓壁晚楓明秋氣橫空一笛生性本邱山無俗韻老猶湖海惜
詩名溯洄誰在水中止笑語更嫌天上驚日暮衆禽投樹息孤鴻底
事獨南行

黃紫泉壽仙歌

黃河之水千里一曲折

紫泉姓黃故自號紫泉即黃河之變名

其源上自星漢出下溉

西極蟠桃之根三千年開花復結實饒仙偷桃逢帝嗔名在石室號
紫泉鸞漂鳳泊到下界前身應是黃庭堅紫泉今年七十四方瞳秀
骨形貌異地上特聞金石聲口吻渾無烟火氣兒孫滿眼前箇箇玉
麒麟今日是何日知是謫降辰左持螯右把酒年年長醉玉壺春
有玉壺仙侶招呼還初服掉頭不肯辭塵寰借問緣何迷不返橋中

之樂不減商山但得玉壺酒常滿不妨永作地上仙

夜與紫泉共賦

紫氣西來認出關仙風瀟灑綺園問呼僧掃逕雲生塔與客登樓月
滿山冬煖應知憐病骨泉紺耐可駐衰顏撫琴中夜歌招隱叢桂淮
南香莫攀

紫泉寄近體詩一首次韻賦梅花詩送之

海國天寒驛使遲玲瓏編袂酒醒時粉腮顛顛嫌蛾妬曉夢迷離怕
蝶知身飽雪霜非敢做心如鐵石諒難移黃昏莫歎佳期晚次第春
風到北枝

聞基安方山寄贈一律以慰他鄉送歲之懷夜與紫泉諸人
步其韻賦除夕

人事茫茫孰究端
峭風積雪對重巒
但將經呪寄年祝
更借屠蘇消夜寒
從古英豪幾人在
一生懷抱此宵難
慙慙為謝方山子
好把新詩剪燭看

上元夜與印元會金殿御賞月賦詩 乙丑

年年此日客登樓
酒煥香清暝勝遊
大地三千人拭目
良宵第一月當頭
憐吾寂寞天應遣
任爾盈虧歲若流
無限旅愁消不得
野燒欲滅巷歌休

挽尹西汀永萬

翰墨聲名兩鬢華
詩腸酒肺劇杈枒
杏庭夜雪同呵硯
蕭寺秋風數駐車
四海論文拭青眼
十年潛署弊烏紗
黃墟從此無人問
惆悵山陽一笛斜

與紫泉共賦

新春再度過雲西
攜酒慙慙獨樓樸
帽尖風聲振槌響
筇殘雪路緣溪誰知
暮境詩還健
政似荒年米更低
耿耿佛燈懷緒黯
何時覺筏渡津迷

夜與紫泉菱石李二松鶴遠共賦

心事推頽舊學蕪
靜思非佛亦非儒
行藏有命懷前哲
書劔無成愧丈夫
定遠誰知飛食相
少文空對卧遊圖
欲知造物無私意
佇看千山點綠朱

成老圃來訪共賦

塵談一夕勝看書
湖海風流老有餘
欲笑欲歌方醉後
輕寒輕煥際春初
一生骯髒難諧俗
舉世熙攘若趁墟
題柱詞人今尚健
白頭應

不怨相如

聞老圃舊一
老姬故戲之

年去年來孰使然山晴雲暎又春天住過一世終為旅痛飲三盃便
是仙客意殷殷投井轄詩愁憂憂上灘船野情不妨任真去君且聽
琴我欲眠

成老圃挽尹西汀詩有云白屋寥寥知己少青山處處故人

多黃紫泉讀之泣下沾襟悲不自勝余聞之大笑為賦一詩
以解之

青山處處故人多後死雖悲哭奈何華屋空沾羊子淚斜暉難却魯
陽戈鼠肝蟲臂奚須問夏葛冬裘恁得過有酒勸君努力飲春來且
復聽鶯歌

與老圃書橋羨石共賦

心如老繭吐吳絲身似鷲禽憶越枝
白暎古梅抽葉早山寒細草坼
胎遲君應覓句多三上我欲無言備四時
興到宜謀嵇呂駕一春佳
日不須期

與紫泉二松共賦

苦吟縮鼻老詩宗有酒堪澆礪磊胸
危塔常懸千古月諸天徧滿五
更鍾春來坎谷消鹽虎夜靜禹爐鍊
汞龍雲際佳人懷渺渺此山喚
作望鄉峯

紫泉來宿共賦

節物推遷感旅人僧廚分送澗毛新
春來時做繁華夢酒後醺思少
壯身竹曠雪侵琴語澀梅白畫靜鳥
窺頻三年掛搭緣何事為有空
門宿世因

雪止

洞府虛明徹九霄
林端餘雪尚飄搖
時聞折竹心逾寂
忽憶尋梅興轉遙
鶴夢寒醒松下石
酒旗凍着柳邊橋
風流不用陶家妓
自起烹茶慰永宵

夜與老圃二松菱石共賦

撫琴山日夕酒醒曲將終
疎竹鳴幽谷寒鍾落晚風
人生如夢裏春序過
愁中瓶底撈明月歸來却笑空

與芳居二松菱石共賦

雪天幾日待君行
直到三春鴈有聲
古壁懸燈雙鳥宿
濃林留客一驢鳴
踏青天氣餘寒在
虛白山光細月生
且喜杏花時節近
前村酒熟似烏程

與二松菱石拈韻賦雜詠七絕二首

長恨姮娥抱月眠
夢魂那到玉樓前
情知早晚天心悔
只恐花容過盛年

右長門怨

盧帳風寒夢亦稀
邊天七月早鴻飛
此身恨不為男子
却羨蘇郎白首歸

右昭君怨

次二松韻贈別景有

相守恰如形影依
山中又見換春衣
我誠有罪君何故
三載離家始得歸

柵鷄被野猫拖去

野猫無厭太相欺
大白公鷄攫去之
從此竊囚夫昏曉
夢中惟記打鐘時

荷亭呂圭亨校理致書賦送一律次韻和之

久矣荒濱隔塵論敢將尺素遠相煩食貧况值三年旱悔罪長齋兩

足尊數卷殘書看輒睡千章喬木畫常昏南山山氣朝來好真意應

須在忘言

原韻。願。泊。輒。未。可。論。側。身。南。望。我。懷。煩。滿。道。益。尊。草。榻。登。迷。山。勉。語。俗。自。日。暮。摩。雲。

昏。歎。虞。溢。日。將。何。補。不。敢。明。時。草。罪。言。

與芍居石雲菴橋菱石共賦 八月

有帽不曾戴上頭西風吹髮覺清秋浮生祇是夢中境多事誰能身

後愁千里歸心看早鴈晚年身計負閒鷗海山處處堪憑望憔悴傷

神柳柳州

中秋日作

山中節換客淹留叵耐良宵月滿樓十口團圓惟一子百年強半又

中秋眼前宜取三盃醉眉際虛凝萬國愁底事寒蟬吟太苦到頭霜
落便應休

重陽日登高送金長溪永杓還京

荒堞連山畫角哀浦雲漠漠鴈飛回九秋氣色崢嶸去數郡山川畧

約來佳節無心嘲落帽病軀試健怕登臺如君慷慨相知晚惆悵那

堪把別盃

容易殘暉下塔西郊原物色正淒淒賞心白酒黃花節滿眼青山卷

畫溪墟曲烟沉村杵動漁梁石出水禽啼秋來夜夜還鄉夢不及君

行一枝攜

次韻酬李晦觀

應。翼。○。松。京。金。滄。江。呈。翠。堂。家。兄。有。三。年。春。草。夢。幾。到。河。之。酒。之。句。晦。觀。次。韻。寄。余。余。復。

次。送。之。原。示。滄。江。也。

開子新經病秋淡倍我思衙門更平聲理務外時帶幕府暇吟詩兼

方松營戶幕成從侄裕苑恭奉來見

青山歷歷入鞭絲正是亭皋葉落時世事難期惟自愛功名須建不
愁邊霜華侵壁蟲吟戶暝色生林鳥選枝遊于原來悲故土夢魂長
在洲江酒

夜與安石屋共賦石屋或作屋石

笑逐顏開未語前黃花初發見詩仙孤砧度夜仍明月一笛橫秋忽
遠天意氣猶思登落鴈功名無分上凌烟豈知老作空門客落木聲
中又一年

營為汗漫少如初到老占閒計亦疎人事紛紛看塞馬鄉愁黯黯付

池魚勸君飲酒莫憂世教子挑燈勸讀書俱是洲陵夢中客何時抵

掌舊茅廬幽蘭夢會事見下

足成幽蘭夢會詩並書○洲陵書曰聞屋石行期在黎明轉

者夜夢幽蘭洞下先生甚完會幾人歷歷其而大資與東
黎辨王翳論心性先後天之說揚化古今素山止之日姑舍
是以居揚眉而言曰笑如賦詩章堂然久曰益賦各體詩
以見其志洲陵謂雲養長於七古雲養曰何長之有遂授筆
書之曰人專林相問吾道復矣疑衆皆歎賞不已張燭之聲
洋洋盈耳聽身而悟森然在眼神馳邈邈乃呼童子張燭而
賦其事可謂汚佛設畫添
足也願先生足成一編

屋石來袖傳兩度俯械籍審直廬起居多綏曷任慰喜前
幅翰教雖獎與過當乃所願學此等人也夷改其行無一
彷彿於是吾兄何由知吾心中之所存而遽許之也所謂
劉君知我勝我自知政為吾兄道也昔虞仲翔棄逐海上

歎曰使海內如有一人知我者死亦無恨今以弟之無似
得見知於吾兄豈不過虞君遠予哉幽蘭夢會情奇事奇
文奇而詩亦奇豈意華胥之國有此絕好詩境也試細論
之東黎每於會中喜與弟商確經史古事素山非不喜此
奈晚年病聾始人譚說而沮止之亦雅謔也玉居興於詩
不喜論辨籍素山之援而別立旗鼓韋堂每多嘿然而坐
時然後言欲賦各體亦其平日之言也胡厓兄亦在會中
素罕言故無所著見洲陵推雲養以長於七古豈往日嘗
見弟之作七古歟乃雲養不服其偏長七古之說先以五
古起頭以示無所不長究其癡默之習容或有是殊大可
笑也於是人人性情氣味無不宛然譬如畫工寫生各肖

其真紙墨之間鬚眉畢見時山月如燭風葉打窗卧看坐
看或笑或啼或悄然而思不知是真是夢夫夢可為真則
真亦可以為夢矣庸詎知今日孤棲靈塔原非夢中境界
耶惟此事不可與不知者道宜傳與同人知之俾各和之
以詩以為幽蘭夢吟集如何如何惜乎素山不可復作又
不禁為之潛然鄙詩足成蕪拙不堪道尚希覽正

人事休相問吾道復奚疑禍福本無門倚伏互相推正誼不謀利廣
川真我師鬱鬱陵上柏獨與霜雪支非無桃與李愛此歲寒姿雙鯉
自西來中有長相思精爽發宵寐遺我夢中詩邂逅諸君子談笑如
昔時東黎騁雄辯素山吐清辭韋堂窅凝想玉居喜飛眉洲陵善推
長雲養好見奇風流傾四座文彩何陸離吟罷坐長夜俛仰乃傷悲

細憶幽蘭會星霜屢經移存者如參商死者宿草萎落落遙相望再
會安可知居然遂感通盍簪在躡屐披衣步山庭回看天一涯願言
崇明德母負夢中期

參星吟

余兄時讀詩夜見參星如鄭風維珮園因呼參高維
星或曰天上豈有維珮耶余戲曰列仙朝帝時
豈無維珮塔瑞之歸乎強今四十有餘年矣已世
冬夜在靈塔寺中見參星因思舊時事感而賦之

童時不識參宿名象形指道珮玉星是為上仙朝帝服天風吹下響
琤瑤靈塔十月夜濃見爛爛東升屋角明參旗前導九旂後左臨玉
井右銀屏寺中孤客望之歎典型依舊垂蔥珩昔日童髻今白首人
間歲月何崢嶸知君此去龍光近遠涉銀河向玉京紫府仙班如相
問為說湘潭憔悴形

鼓瑟

鼓瑟青山夕松風入我衣白雲時自去好鳥與之歸默念存千古博
觀遍九圍不須愁赴節突礪任天機

輓崔生員

錫奎○誠
汝伯氏

松坪相望地靈塔久僑孺未見緣多病憤聞豈異知力田猶教子安
分不求時來請荒辭挽季方涕淚滋

金竹塢黃魯來訪共賦

陸海浮沉善避名秋風湖右一筇輕野墟日暮催紅友山寺詩成喚
墨卿邂逅已知肝膽照衰蓬更惜鬢毛明寒更挑燭仍無寐遠浦時
聞鴈陣驚

與紫泉蕉亭菱石賦梅花三十首以次拈平聲韻

以錄
十首

續紛環珮玉丁東瀟灑高標不苟同幾度相思魂夢裏全身省識盡

圖中清寒當世無雙士
頌畧新春第一風
何物寧馨乃生此
慙慙細看剔燈紅

玉削精神立大冬
山庭微雪響詩筇
曾聞姑射水肌在
疑向瑤臺編袂逢
驛使贈春千里信
佳人有約五更鍾
黃昏書屋自生白
猶似朧朧月掛峯

軟肌怕冷尚多虞
因外寒雲潑墨圖
身分常依枯釋淡
起居長伴逐臣孤
幾生善業修能到
萬種閒愁撥欲無
一片冰壺心暗照
清高直可警貪夫

輕盈一樹短籬齊
更好斜枝向水低
瘦石幽篁同氣韻
曉風斜月劇淒迷
湘潭逸客精瓊屑
玄圃仙人綠玉攜
近看愈奇還遠望
悄然回首小橋西

風流蘊藉秀而文
摹畫誰能狀七分
倍覺精英經小雨
似將疑睇怨斜曛
容姿不是爭為媚
性格自然超出羣
慷慨都無脂粉氣
不羞却

奩李香君

用明末桃花扇演本故事

羅襦薄薄不勝寒
枉惱遊人帶笑看
試濯彩纓臨碧澗
倦將高髻倚紅欄
已知曠韻人間少
莫恨韶容鏡裏殘
獨卧滿山風雪裏
清標磊落似袁安

詩愁鄉思亂如麻
索笑惟看一樹花
窈窕頓從自隙規
溫存更向枕邊斜
潔芳端合孤臣珮
恬靜原宜處士家
萬紫千紅皆後輩
獨粧春色向誰誇

似笑如嘔帶夕陽
湘江千里暮雲長
飛簷一片宜粧額
吹笛三聲欲斷腸
羣玉山頭含露潔
綠珠樓下畏風狂
世間多少癡男子
盡入溫

柔老此鄉

妄評誰道物之尤此物於人本不求安分潔身羞穢污有時玩世作
遨遊冷如蘇武常咽雪豪似元龍獨卧樓歎息塵寰知我寡空林斜
日喚生愁

詩成三十奏雲咸仙種元來迴隔凡獻賦何人登丹府調羹他日試
廊巖想來入骨情如渴妙處難形口欲緘人散酒殘情獨立細風猶
自拂輕衫

重陽日花山李揆直赴寄五絕一首追作二首以報之

韋脂宜惠世無人翫驪高風不可親翹首停雲延佇久花山歲暮碧
嶙峋

當年我祖志安民爾祖桓桓社稷臣扶社安民無異法不曾一日有

其身

善山金雪巢鶴遠與余同困舊交也不幸云亡其弟琴窩鳳
遠來訪于靈塔寺中臨別賦贈以道懷舊之意

嶠外多年阻尺書金烏山下故人居窮途委訪猶親戚老境無依返
井閭琴窩居清道前詩人從古多落魄世上如今少吹噓春風一

路筇枝遠南望歸雲悵愁如

不見雪巢久見君如雪巢中年篤求志雪巢少有詩名中年開道早
歲已論交高操追黃憲清才類孟郊九原難復作相看淚沾袍

贈石貞

征衣晚拂赤城霞驛路逢春柳緒斜千里一筇真友誼三年再度訪
禪家坐來閒聽山中雨行處高吟馬上花此去京城多舊識優遊不

雲棲集

詩

卷之四

十七

是戀繁華

與紫泉石貞菱石共賦

春陰漠漠亂山低
畦麥新抽布穀啼
從古離騷悲澤畔
如今詩派見江西
遞過寒暑百年疾
閱盡悲歡萬事齊
可笑腐儒談世務
濡毫日費閒題余近作私議十六篇
濶戶無人畫亦關
滿庭細草卧羊閒
讀書有味仍思酒
對食無心忍見山
歷落砧聲流水聽
蒼茫琴意遠舟還
此間若斷塵勞想
不待餐霞可駐顏

與紫泉石貞菱石文鶴山世壽共賦

春半閒愁已黯然
典衣日醉野墟邊
才非六丈徒憂國
身似三閭欲問天
憤閱世情惟髮短
力除家累尚心懸
相逢林壑換幽事
能否看

花寒食前

獨撫瑤琴坐澗陰
送君此日若為心
八音自古難諧石
百鍊從知不變金
天際滄溟孤棹遠
日邊閭闔五雲深
漢城花鳥應愁煞
莫遣詩人費苦吟

強把衰顏借酒紅
因聞契活伴書蟲
本無四大身何有
歷數一年春已中
且可放歌仍斫地
未須失意漫書空
近來結社東林勝
時向經臺訪遠公

夜闌燈話足平生
茶罷微吟繞榻行
時有郛筒來下若
更聞墨竹在彭城
梅魂欲返參星轉
柳夢初醒一笛橫
旅枕無眠還擁被
蕭然詩思曉鍾清

賦別石貞鶴山

雲

詩

卷之四

十一

年年離恨雪添頭春水新生鴈北流芳草連天迷去路空山盡日倚
高樓誰知此夜樽前笑翻作明朝別後愁 聖代卽今求士急歸來
應脫弊貂裘

膏沐年來面未光美人渺渺在西方敢言棄婦貧三歲獨有離愁詠
九章夢裏山川猶舊識雨餘草木盡當陽送君如別班生去莫苦春
風道路長

驀地相逢驀地分人生大抵似浮雲今宵留客蕭蕭雨他日那堪枕
上聞

春潮九浦路西分征馬遙隨海上雲早晚桐江垂釣約憑君說與白
鷗聞

申洲陵自靈山任所寄書並詩次韻送之

處官應似在家時文墨多閒醉習池北社詩樽今寂寞西湖雲樹久
睽離每思高惠空勞夢已許劉君勝自知人事參差頭雪白東江鷗
鷺笑幽期

余與洲後
俱東江人

春日與方居老圃菱石共登依斗巖賞花

春色隨人不負期登臨把酒慰相思古琴奏罷眠芳草新茗烹來拾
折枝塵債未酬身朽老山花纔好雨披籬知君近日衰慵甚莫作閒
雲出洞遊

一曲山歌瑟正希投林夕鳥識依歸癡兒寄信常憂食病妾經年不
送衣 聖世誰甘鼠海曲故人猶自款巖扉中宵旅枕聞新鴈何日
隨渠共北飛

送方居老圃

客裏頓看節序新
禪房依舊獨棲身
將酒後論時事
可奈花前送故人
釀得山中三日雨
粒成溪北數家春
悄然坐在蒲團上
終日心隨去馬塵

黃伯恭兄弟與趙生雲坡玉浮攜酒來訪共登依斗巖

春望平郊劇可憐
踏青時節草如烟
鷄聲盡日垂門柳
嶽色浮空出水蓮
有酒兼能攜勝友
看花翻覺感衰年
流光不貸淹留客
又送玄禽掠帽前

與崖石菱石共賦

野寺春深草木齊
輕陰化霧遠山迷
小溪流水桃花出
落日平郊鶯子低
莫歎龍頭縮困蠶
何妨龜尾曳塗泥
送君仍誦圓翁句
匹馬明朝又向西

次李石泉 玄文見贈二十韻

熙化調玉燭乾坤和氣積
軌度撫璣衡絜矩正金尺
登閣贊皇猷濟時多鴻碩
八荒接衢庭重溟采瓊船
綏外先內修紆謨資擘畫
萬才際明時迷見如轉石
智短事多違罪大心難白
鉄鉞分所甘厚造蒙恩
謫咄咄復書空憂悔追
往昔荒山歲月淡俯仰靡
所適忽奉瓊瑤章朗吟蕭
寺夕慙慙四百言慰籍兼
譬釋一讀還一慙敢擬前
修蹟日暮愁遠途負重懼
弱脊欲收九死魂庶保一
寸赤冥心息塵機安命守
窮阨知君有清才晚契得
資益願結陶令隣疑義共
揆蹟城東買薄田躬耕輸
租頌永作吠卧民長頌堯
舜澤

紫泉父子滯雨未還共賦

長日消閒蠹卷中
傷心人事古今同
悠悠陳跡皆窮狗
渺渺浮生若

雲齋集 卷之四 二十
碧空栽藥灌花真事業搬柴運水亦家風試觀磅礴混侖外西到窮
時便是東

陰陰槐柳覆柴門雨後西疇事可論灑遍新蔬何用漑沾來枯麥易
為恩鳩謀逐婦生涯拙蛙市營私口角喧細想誰非身外累老夫並
欲廢詩樽

與芳居石雲紫泉陶隱菱石共賦

村舍僧寮隔水分時聞鷄犬自喧雲青山靜對渾忘我紅藥初開又
見君往迹無非驚幻夢快談勝似讀奇文兒孫桑果遊觀趣樂事田
園憶右軍

浴佛日與諸益登依斗巖

日落郡城燈火稀依巖孤客澹忘歸松梢露滴青鞋襪石氣涼生白

芋衣月影入盃浮蟻動笛聲穿樾宿禽飛禁城佳節繁華想寂寞荒
濱舉目非

與諸益坐山神堂前飲酒槐陰滿庭爽氣彌襟

半卧清陰穩起居蒲團靜坐悟真如一間古廟燒金鴨百尺高樓響
木魚過境不須詩險覓貪杯每患食無餘息息欲去知何事信宿林
間室太虛

送石雲芳居

已斷世緣離恨天不須臨別却悽然兩宵信宿誠難得首夏風光政
可憐此地淹留多歲月浮生聚合若雲烟更謀河朔追袁飲知在棗
花初發前

萬事商量摠有天誰能物外見超然老惟本分休言病貧亦男兒豈

乞憐半世行藏如泛宅百年憂樂等浮烟孤雲衆鳥都過了祇有青山在眼前

此山多黃鸝杜宇俗稱黃鸝聲為折花獻杜宇聲為鼎小蓋其鳴聲相近也昨夜竈下二鼎被偷兒所竊庭畔芍藥盛開亦為村童折去於是二禽之言皆驗戲賦一截
鶯道折花鶉鼎小泛聽二鳥叫林中誰知一夜斯言驗清福仍兼食數空

與老圃書橋菱石郭生松庵共賦

端居飲水讀黃庭又作山中處士星有客揮毫書碧落無人載酒過玄亭古琴時入松聲細午枕偏因石氣醒此地元無閒草木年來盡載楚人經

閒坐無方永日消讀君佳句意飄飄蕭涼參氣秋先至點淡鄉愁路轉遙世味慣嘗如嚼蠟病懷難撥欲觀潮人生得酒須歡飲華屋山印變暮朝

送老圃松庵兩老

白頭相見似曾諳分手今朝又可燃綠樹藏山迷舊路白雲出洞帳孤巖細將別意鳴琴嶽半濕征衣帶谷嵐衰老一逢非易事前期莫待鴈翔南

與老居石雲共賦 十月

閉戶悲秋剝帶圍客來掃榻忽生輝居然半載詩樽廢又見千山木葉飛晚圃霜清花欲老小洲日暎鴈忘歸五旬一會猶云闊
今年與老居石

雲約兩月一會大卷五十餘日為約雪棹前期且莫違
盡解期歲前又以臘月望日為約

與方居石雲黃智欽書橋梅史菱石共賦

佛天寥泬境清虛
白酒青燈讀漢書
夜靜微聞松露滴
秋乾偏惜菊
花疎平生役役少
如意到老悠悠無
定居惟有故人紅
樹外時來刺
啄起慵余

次思庵集韻四首

秋風搖落感華顛
志事摧頽異壯年
四壁無聲蟲戶語
九天有路鴈
家緣蕉身已老心
猶積楓葉半凋色
愈妍料理今冬生
活計篋中祇
有蠹餘篇
數畝琳宮倚峭峯
柴門紅樹隔重重
久居還看僧為客
長卧難分病
與慵雲壑移松山
骨瘦霜畦挑菜土
酥濃騎愁萬種憑
誰說故舊今
無許孟容

秋懷日日賦登高
磨盡陰廩寫薛濤
地僻常懸徐孺榻
石竒頻索米
顛祀慣來村犬趁
朝飯時叫山禽投
夕臯莫道海濱荒
陋甚餘年不
妨老耕陶

黃葉紛紛擁小堂
經聲燈火耐宵長
百年世事滄浪髮
十月山容淡
泊粧意思還同鷄
晚柵生涯多愧鴈
謀梁興來每欲披
衣往坐裏兼
護水一方

次思庵集韻送家兒裕曾

老去離懷不自寬
登臨楚客淚沾蘭
榮枯有命風霜足
來往關心道
路漫斜日烏犍將
犢返荒林癯鶴伴
鴉寒持身恒若虛
舟泛何患前
頭有急灘

次思庵集贈平山印月奎進士

客叩巖扉夕照紅寂寥誰過草玄雄吳鄉邂逅空山裏千里湖關落
木中行色遙隨蕙秀月詩名應繼草堂風印氏之先有明朝惆悵峨
草堂以詩聞嶺路雲際回頭香去馮

嘲紫泉無笠

貧家一笠祖孫共少年出門老人因忽聞山寺梅花發扶杖南望興
悠悠回看頭上無一物手撫華髮不勝愁宜是漉酒柴桑宅正似落
帽龍山秋去去一任羣童笑青天如蓋覆我頭

與紫泉羨石賦梅花

粧閣淡宵暗恨凝老枝寒掛月層層嬋娟水骨貌姑射瀟灑羽衣張
道陵清沁冒家醫俗病香通鼻觀悟高僧多情北里老詞伯索笑時
來攜瘦藤

歲暮窮居韻事稀梅花纔發羽觴飛已憑驛使傳春去更伴明妃帶
月歸獨立黃昏疑澗雪自憐冷艷近白暉山中孤客摩挲歎寒暑同
渠屢換衣

至月十三日黃紫泉老人回登日也紫泉爲文祭其夫人辭
甚悽惋余以詩慰之

華年琴瑟淚浪浪草笠紗巾憶舊裝俊逸風流曾坦腹清新佳句記
催粧七旬偕老緣非薄十載空房意自傷對酌登筵如昨日兒孫滿
眼獨銜觴

與醉墨海史羨石共賦

山風動竹月橫欄手撥爐灰對懶殘萬事無如盃酒煥一官豈免布
衣寒倦鷄失曉知村遠晴鵲營巢喜雪乾多少經綸歸廢紙暮年心

事歎離鞍

無端慷慨擊壺歌一洗愁腸萬斛河隨分任他生老病證緣誰識未
來過洞天日暮疎鐘動佛地山寒古木多痛飲讀騷何意思古來名
士亦蹉跎

與紫泉醉墨共賦

荒山歲暮意何如門巷寂寥楊子居
因下從容斟煖酒燈前消受檢
殘書冬暄遙夜時聞鴈海近貧廚亦有魚
坐卧蒲團宜自穩空林微
雨正蕭疎

簷溜丁當似漏聲雪風吹牖暮寒生
讀書宜為三冬足約友難謀一
日晴惟有曼卿於酒隱早聞東野以詩鳴
老人相對話前事近事夢
夢還不明

送諸客與書橋陶隱共賦

立春前日

黯黯離懷獨酌醪溪橋落日望征袍
牀前吟軸牛腰大雪後晴峯馬
耳高盤菜已登春信近驛梅欲寄夢
魂勞旅因誰與消殘臘更喜風
流對鳳毛

與書橋菱石賦元日

峭風宿雪近黃昏一盞屠蘇見醉痕
餽家知樂歲衣裳楚楚夫
窮村年華但看先侵鬢春色誰知徧
及門節物殊鄉雖已慣每逢節
物自消魂

次韻酬安方山石厓兄弟

五年禪榻伴僧眠苦行為誰修福田
世事漸如看夢裏春風那得上
頭邊經綸虛負書千卷生計難謀屋
數椽遙憶開基好兄弟對牀日

日美風烟

與書橋陶隱李丹霞 敬奎共賦

人日逢君上小樓論文酌酒慰羈愁新春見月憶蘇婦方文獻茶來
趙州少別經旬分兩歲劇談一夜足千秋請煩小李將軍手為畫名

山作卧遊

丹霞之于年十
九能畫山水

二松客遊京城與甯齋荷亭滄江諸詩伴互相唱酬經歲而
歸詩索甚富夜與共賦

楚音暮響洞天虛來問山中木石居莫惜酒盃消永夜豈知轍迹到
窮閭瘦憐工部常耽句病淹相如尚著書歲暮歸來投贈富奚囊收
拾不勝驢

與醉默書橋二松菱石共賦

流光冉冉靜中過經歲經旬日又斜春意美晴枯木媚鄉愁入夢亂
山多窮廚食淡仍忘味瞽眼臨書或失波扶杖出門無所適寒林坐
數暮歸鴉

磊落習中星斗羅倦遊京國晚相過布衣當世難為重斗酒今宵不
足多春務經心惟藥圃山居覓句半樵歌推窗好看新年月簾額微
風不動波

與蕉亭書橋菱石共賦新春

白梅經臘向披離湖道水消畧勺危慎日由來防鼠耗三國史新羅
俗以龍為有

功於人猪鼠耗穀有害於人每於歲首辰辛亥
子日設祭祈穰因禁百事相與遊樂謂之慎日 新年昨夜返 驚旗
朦朧新月鄉愁動料峭餘寒酒力支賞節家家聞笑語南冠獨作楚
囚悲

盆松

奇姿不合老嶺岼來與幽人歲暮看
因礙疎枝常作曲根盤拳土強
為安他時幸免斧斤患素性猶凌
霜雪寒不藉登臨清賞足盤桓盡
日獨憑欄

與李佳泉憲英石崖諸人共賦

暝鳥投林客叩門九分明月湧金盆
近墟人語孤暮晚淡寺鐘聲古
木昏心靜羣山琴裏動家貧一
鈞匣中存無妨預借元宵節春酒
盈盈柳外村

先妣忌日有感述懷

二月廿三日阿母乘孤時蒙駭不省事猶解
失母悲時時向隅泣阿爺最憐之
汝泣吾將去吾去復誰依惶怖請勿
泣收淚強遊嬉啣恤

度壯年居然雪滿頭立揚愧前修何以報春輝
生少夫慈訓冥隨蹈獲機五載不見家荒濱
來禦魑墳墓任村僕杰嘗付家兒年年逢此
夕愴痛彌增啼坐待白鷄鳴更漏夜何其
煮萬颺爐烟耿耿入我思不與如不祭聖訓
豈我欺養不供甘毳祭不視牲粢人生天地
間悠悠此何斯一姊隔遠鄉老病瀕就危
典型寢悠邈骨肉復分離嗟哉鮮民生不如
死之宜承家無述業歸拜將何辭

詠貼稷海棠

俗以山丹高貼稷海棠山丹漢紅不類海棠余
常疑之靈塔山下人家得山丹一本移植盆中

花開淡白淺紅與海棠相似山丹之
得名海棠以有此一種蓋貴品也
却把鉛華淡抹勻衣衫原不染香塵薄醺又被東風困春睡
盈盈小太真

與紫泉羨石共賦

仙居祇是隔蓮峯，惻惻春寒閉戶重。
忽聽癯筇響丹壑，喜看古貌映蒼松。
酒高難負尋常債，東人詩有幾處非高酒債甚高花瘦堪愁十八封。
點檢書篇鋤藥畝，山中無事不從容。

與芍石雲諸益登靈塔

青鞋晚踏谷嵐晴，十日東風草色平。
花下逢迎幽鳥徙，巖邊笑語白雲生。
酒雖小戶猶為國愁似，強胡欲築城望裏看山歸。
不得年年空聽子規聲。

與醉然陶隱書橋羨石共賦

雅歌棋酒子能兼，唐突清風我不嫌。
山欲忘言真意在，詩因慵謝宿逋添。
僧歸古洞雲生塔，客去高樓月滿簾。
花外小車知有約，一春佳日不須占。

紫泉復次晴字韻寄示次韻和之

隔樹鳴鳩喚雨晴，槐陰初漲麥畦平。
儵魚有樂證蒙叟，鵬鳥無言笑賈生。
時事憂深如漆室，老人詩健若長城。
近來開口暫成笑，子鶴南歸聞和聲。

與諸客共賦

壯心消折計，違初康濟身。
家亦復疎佳，約誰能媒鳳。
鳥遊情謾費，憶鱸魚山中日月看。
花史案上工程鈔，藥書聚眷殊鄉非得已。
洞門溪處結茅廬。

固守荒濱作勝區，行藏隨分豈由吾。
種緣來世無量慧，需用平生不盡愚。
鎮日無言山色淨，有時獨往鳥聲娛。
衡門咫尺招呼易，自得芳隣始不孤。

與醉默共賦

綠筠紅藥護欄干一席蒲團坐卧安只好與人同醒醉已多閱世忘
悲歡高冠常被松風倒瘦骨翻嫌麥氣寒十載旅遊成底事君今頭
白可休鞍

遊聖田歸路觀放鷹

湖邊幽草細香生谷口泠泠不世情九疊雲屏淡樹合數人華髮夕
陽明水清細數隙隅戲酒醒初聞撥穀聲緩步未愁歸路晚映天遂
看一鷹橫

集唐人詩句次韻答李復庵俱學士

又有唐詩集句三
十載在原稿中
戀闕那堪又憶家每依北斗望京華此生飄蕩何時定出寺行吟日
已斜

與芎居石雲共賦

蒲葉葵花照眼濃閒中日月遞鷄鍾青山拄笏迎朝爽幽鳥提壺起
畫牖階竹生孫抽犢角野蔬適口勝駝峯休嫌留客貧無供新麥前
宵已入卷

次韻答李韋堂

我無雙羽翰焉得戾天翔子無車與馬安能遠于送長夏人苦熱陰
崖雪尚凍自分為溝瘠疾病不知痛不死亦 聖恩感極復奚控惟
有三尺桐憂來時自美闕函讀君詩如湖朝陽鳳因君思網堂臨風
愛一慟非敢戀 主老 韋堂書云夢與余會余有
戚然色曰吾為感主惟老歲月自倥傯往歲
洲陵會神遊幽蘭洞不期顯穎容復入故人夢追隨香前塵何日並
飛鞚

與陶隱拈龜峯集韻共賦

野澹水盈禾菽平懶雲收雨入孤城烟沉遠樹千家息夜靜空山一
笛生老蠹耽書非遠計飢蚊繞鬢有先聲窮居樂事無多子好客來
時月正明

卧病

卧病家鄉遠移寓仍羈旅昏昏有時覺吾身在何處浮沉疑駕舟凌
兢不知暑親串如骨肉眉端見憂緒裹飯與藥物憧憧來復去慙慙
勸加餐至意不可拒婆娑扶頭起引椀強為茹區區圖苟活何如化
蟲鼠既為造物拘生死且任汝

新寓花井凡首

素抱印壺性謀拙無定居晚來紮塵韁顛仆廢中途棄捐逐海濱蕭

寺形影孤良厚故人意僦與屋一區室小僅方丈猶甘安病軀東家
借釜錡西隣助米蔬荅杵起炊烟居然是吾廬

五鳳翔雲際蒼翠接南榮玉女在其西窈窕出金屏一水護田繞四
圍綠蕪平村中五六家日出事耘耕但見襤襪人不聞車馬聲

茅茨連籬落匏蔓覆其上夜淡燈火照笑語雜俚唱瓶中有宿麥甕
間有新釀明日南畝耘農夫催晨餉田鼓何早動鷄鳴天未亮

種稼南山足種豆西疇畔風雨決旬至草盛良苗爛今年何苦蠹去
年何苦旱天時諒難齊妾命不須歎苟用人力勤秋來尚收半

久客裘葛弊僮僕歎式微日下多故舊落落音書稀所賴鄉俗淳不
以炎涼違同志數三人日夕來疑扉農話淡可聽持酒慰渴飢漸覺
情性移安土欲忘歸鷓鴣棲一枝何必更遠飛

東庵有癯曇相守五經春義氣兼慈悲契闊共苦辛豈無雲遊志念
此窮途人移寓牛鳴地猶覺回首頓始知留衣情非為慕道真
客從田間至零露沾衣裳出門喜相迎無乃裘與羊莫言貧無供濁
酒盈瓦觴對床撫枯桐音韻清且長澗水何泠泠海山正杳茫曲罷
無一言真意兩相忘

積雨新涼動東峯月初生歷歷秋砧響蠶蠶夕烟橫野田不見際莖
葉露華明徘徊意未已悠悠若遠征回顧忍心省茅屋一燈清
天地一遽廬百年一彈指泡漚互起滅須臾安足恃大厦連雲起縹
緲俯城市朝為衛霍第暮屬金張里不如蓬蘞室心安知所止

與陶隱共訪書橋酌酒彈琴于石壇上夜渡還寓月色滿庭
醴熟粳香八月時訪君山北路遠逢松間呼酒仙扈吹林下調絃宿

爲知五嶽遐情餘後齒三秋病骨恃筇杖歸來更看簾櫳月清景依
依枕上詩

中秋節與紫泉共賦

社鼓村歌鬧一堂田家八月暫休忙佳辰得病憐初起良夜看書喜
漸長早柿綻紅時落砌晚蕉展綠始過牆林醪葉餽從隣飽風味年
年慣異鄉

方居石雲紫泉陶隱來訪

衡門今日爲君開積雨空階長碧苔老去經綸依小屋病餘胃腑恹
淡盃佳辰每恨恩恩過好約偏愁漫漫來更覺村居無意味時攜筇
屐步香臺

次韻賀李竹西榮緒六十一歲

華髮居然少壯非
清秋玉局鶴南飛
處貧肆志身常健
未老傳家事
亦稀青眼好將開
竹迳紅塵從不染
蘿衣兒賢婦孝同
觴祝菽水為
歡勝醬肥

與醉默書橋共賦

柴門迎客掃苔荒
微雨蕭蕭帶夕陽
茅屋三分依樹隱
秫醪一宿隔
籬香鄉愁暮
雁鷄聲月秋氣
崢嶸鴈背霜
眼看衆芳搖落甚
黃花欲
發意初強

寥栗窮懷獨上樓
海山極望止堪愁
江雲驛樹迷千里
岸芷汀楓又一
秋高會何人
參白社醉鄉
今日到青州
天涯日送飛鴻去
那得同
渠作遠遊

與二松海史菱石共賦

升屋蓄薪冬月中
家家有事繼農功
密圍豚柵宜防逸
澗掩蜂窠更
護風腫腫無妨
山木壽是非已
逐水雲空繩牀
睡起支頤坐
簷角虛
明月上東

身似龐公不入城
心如佛子說無生
殘編耐可三冬用
小牖纔通一
點明澹忘塵機
方有味靜聞虛籟
各成聲客來清
話休愁渴雪水
頻
添煮茗鐺

搖落寒村古木秋
霜鴻歸盡思悠悠
我非獨醉人皆醉
人欲言愁我
始愁轉眄此身
化蟲臂噉名當
日笑龍頭
粲然慕古今
何用冷暎隨
時換葛裘

悼全永叔

嗟哉若人逝若人
更難得制行類
君子見理邁遠
學身卑處汙世
抗

志不隨俗從我西與南相守共休戚風霜志靡渝信義著金石我作
沔陽囚君爲海西客郵遞數寄書幾忘山川隔書中何所有爲我心
常祝我囚猶不死君去何太迫悼念起中夜仰視天如墨爲君作小
傳淚掩不可讀

次韻答申白坡侍郎

開篋珠璣滿自疑夢裏看遙知白山下風雪卧袁安
端居肅肅耳無聞歲暮空山白雪紛得酒三盃愁失日懷人千里賦
停雲明時見乘誰知我窮路垂憐獨有君補剗息黥今已矣遑論身
後更遺芬

辛卯除夕二首

晚炊兼餽餽山屋歲云終久客仍隨俗高吟強諱窮簷端明宿雪籬

落弄微風曉枕悄無寐數鷄占歎豐

窮巷少人事但聞村鼓鳴酒分新歲醉燈爇此宵明千古如今日百
罹歎我生騰騰惟任運何必費經營

壬辰元日

海隅人未返春色到殊鄉戶換桃符舊樽浮柏葉香天風占菽麥人
語聽宮商隣曲來相問新年賀吉祥

立春日雪

堯奠纔六辰天下始皆春淑氣催梅蕊豐徵驗麥人蓬門猶帖子菜
飯卽盤辛欲識新年瑞瓊花滿四隣

人日

人於物爲貴吾亦充其一老大成何名靈辰負此日烏居能識風獸

伏波藏密用智不如斯區區謾弄筆

元宵

黃昏千嶺月白雪數家村微風時送笛殘火尚燒原試學少年事聊
為竟夕喧夜濃隣曲散一犬吠柴門

詠貼樓海棠

天天傾國質婞媿出几林嘯垂凝紈袖綺霞染素襟香亭妃子恨惠
院逐臣吟鄉曲無人識沉淪歎古今

送黃生石淵客遊康津

滄溟萬里限坤維洞府仙山世少知康津海中有仙山島高麗僧慧日到寺居之清海威

名張使節

新羅時弓福萬清海鎮大使禁唐艦之掠民者神武王時討金明之難功存社稷弓福唐史稱張保舉清海鎮今莞

白蓮遺跡慧禪詩

白蓮社在萬隱山新羅時建世稱絕境祖師一代相傳為東方名利麗僧慧日居住有五律

一浮湘縱遂南遊志陟岵應多北望時料得吟餘無箇事晴窗白日

試茶旗

原津茶山產名茶近世丁承官若彌始得之茶品甚佳

既望日與芳居石雲紫泉蕉下本官洪鍾翥共賦

新秋風物愜幽期野蕪村膠話舊知菊逸細苔添後齒稻畦斜日映
鞭絲官閣東閣懸魚淨客到西湖報鶴遲望美迢迢今夜月何如蘇
子泛舟時

翌日與諸客共賦

疎籬欹屋淡生緣幕罷秋陰黯暮天只有塵談消永夜忽聞蟲語感
流年僧來自叩山扉月客去閒披稻壠烟樂歲村醅應解禁時酒禁尚嚴
行行且備杖頭錢

與陶隱菱石登依斗巖

無數螺鬟擁翠娥
晴光如沐泛山河
三庚閉戶詩情瘦
一日登高野色多
貧士逢秋猶望飽
衰顏得酒暫成酡
曼聲落日過風便
松下何人扣角歌

夜與陶隱菱石共賦

日暮牛羊各返家
涼天露氣濕庭花
閒巡園圃兼行藥
遠汲山泉試鬪茶
久雨纔晴秋已半
良宵未艾月將斜
浮生歇泊知何處
渺渺江湖不可涯

拈陸律韻與陶隱海史菱石共賦

寒陰蕭瑟接孤城
滿地黃雲野色平
穡事忙忙愁日短
羈懷歷歷抱秋明
知君俊逸詩無敵
顧我龍鍾釵不成
酒後相看搖落甚
况聞半夜樹間聲

與陶隱登前山作

松根爲几石爲牀
山下秋深穫稻梁
蘆渚遙橫新鴈字
樵風時過老牛香
淺莎踏遍青鞋滑
遠樹暝沉白苧涼
好是嘉禾村第近
歸來月色滿西廊

與諸人共賦

今年剩得幾由旬
頭上雙丸跳擲頻
夢過一生那有我
醉看千古若無人
夜溪山木枝枝語
秋熟田家物物新
獨據枯梧嗒然坐
婆娑燈影岸烏巾

梁山守申列陵寄長相思九十四韻爲賦五古五十韻以和之

秋氣日惻惻
秋山正蕭瑟
山中卉木盛
百鳥媚春日
而今安在哉
但

聞鳴蟋蟀窮人夜不寐悽然感時物不見故人面星霜遍六七昔別
髮就種今想頭全雪開緘讀君詩珠璣滿眼纈上言長相思下言忘
得失疇昔耦耕約夢想東湖月人事兩參差志願何時畢君本青雲
器心懷匡濟術京國馳名早卓犖藝林傑生無忝求性見善若已出
推轂後進秀汲汲如飢渴謀身獨未工懷書屢見屈時人不之奇賢
相乃識拔吾栢最得人惟君居第一十年滯郎署襟被寒凜采有志
不敢伸沉寘寄黜槩晚得一小縣民社管十室迢迢隔大嶺黽勉尹
魚鱉簿書何太瑣催科政亦拙緬懷彭澤令豈不思解紱欲歸無田
園沈吟故未決西山有爽氣悠然時拄笏回首戀舊遊落落晨星闕
社樽久寂寞悅仰感存沒顧賴彼何人澤畔吟不輟結髮推分好肝
膽雅相悉我愚自速戾 聖恩寬鈇鎖世人皆畏避君獨不忍絕郵

復數問訊懇懇情詞溢窮途重一顧何異肉與骨六載借禪榻顧影
恒兀兀幸有二老友裹飯慰衰疾誰非社中人於君最膠漆披拂來
三逕慙歎欵蓬華騁矚白雲停抵掌清風發酒半輒思君海山碧鬱
鬱豈無簞簞竿與子釣于洌行止各有命奈此身繫紲吾輩俱頽齡
不堪久傷別但願聚一鄉相隨比鷓鴣攜杖共闔健不憚阡陌越科
頭任箕踞挑燈飛談屑銜盃道故舊陶然瀉菟結世情日以遠焉能
有冷熱此事真快樂不用換珮黻幽蘭變桑田勝事難再述如逢夢
中人請以吾言質

與韓蕉亭共賦

棗頰垂紅菊吐珠村砧調急月橫梧閉門不覺三秋暮飽食回思一
事無眼暗終須書亦廢愁來惟有酒頻呼世間何物堪怡性祇合端

居養病軀

與石雲陶隱登五鳳山

風烟漠漠海山迷極目秋旻意更悽藏樹村溪難辨路攀藤壁滑苦
無梯登高始覺風斯下盡醉何妨日欲西兩岸蕭條紅葉裏遊人歸
去夕禽啼

與紫泉共賦

求安求飽計全疎天地悠悠一遠廬酒債誰將焚薛券交情自古歎
秘書家居有樂君能老野服稱身我遂初八十年来經歷事樓臺幾
見變邱墟

送魚一齋九中侍郎

征驂日暮歎柴扉把臂青燈笑語微滾滾風塵君尚健悠悠江海我

安歸暫將盃酒留春色且對寒花弄夕暉 聖世優遊身分足臨岐
何必淚沾衣

與芳居石雲蕉下紫泉黃石汀智欽共賦

霜旭暄妍睡懵騰西風木落見高陵秋懷悵惻誰能賦酒政疎狂不
可繩老去常愁離侶鴈何時快作脫鞵鷹看君口氣無烟火詩思清
如玉井水

與陶隱菱石登依斗巖

攜酒攜筇瘦勝遊登臨何處散窮愁數家紅樹鷄聲午九月黃花鴈
背秋極目雲烟迷海市因風鼓角起官樓無妨吹落龍山帽最恨西
風欺白頭

與芳居石雲蕉下紫泉醉默德山守李默吾

明字陶隱石汀

共賦

地僻柴門少過經寥寥誰訪子雲亭燈前聚首三分白酒後拭眸千古青暇日追隨劉尹薄明時枯槁楚纍醒行藏莫問來朝事逆旅浮生暫寓形

次韻和紫泉

送客無心獨上樓淒風飛雪作冬頭巖棲夜永鷄常早澤國天寒鴈盡飛有酒堪澆千古史廢詩虛負一年秋飄零半世身獨寓彼岸何時定繫舟

花井七詠

磊砢不中器偃蹇如傲人棄置誰令汝老此寂寞濱

右逆峯瘦石

春來靈塔上樹樹盡着紅無人自開落不須怨東風

右靈塔賞花

山空蒼翠積日照綺霞紛樵歌響林樾人在半嶺雲

右五鳳晴嵐

秋空明如洗萬里滅氛埃宛轉峯頭月偏照幽人來

右馬山秋月

槐根穿石竇疎星落寒泉蕭蕭踏霜葉西庵起早烟

右漆泉曉汲

日暮風吹雪空濛失前峯朝來拓白見突兀玉芙蓉

右玉峯晚雪

夜冷村砧息鍾聲出林間老僧誦佛罷雲曙海上山

右野寺寒鍾

陶隱來言家有盆梅方盛開卽命雇奴冒雪往取夜與陶隱
飲梅下共賦

滿山風雪送奴忙尤物居然置我牀試對高標慙俗狀久依賢主帶
書香含情繚邈疑捐佩索笑慙慙似侑觴冰骨緣何憔悴甚湘江千
里夢魂長

哭俞林川考居

少日哭朋友日遠日相忘垂老哭朋友愈久暗自傷昔余遊京都與
君年俱芳倏忽四十秋蹉跎髮滄浪浮雲各東西豈知會此鄉君在
峨眉北我在峨眉陽攬彼石雲子偕作求與羊相思輒命駕寂寞叩
禪房抵足佛燈灑散髮槐陰涼骯髒猶故態酒後發清狂憤吃疾俗

薄搔首想虞唐苦吟抵晨鍾談笑哄一堂自言貧益甚今年麥爲糧
秋來身陡健此理恐非常余云氣還元是君壽考祥詎料殘膏燈欲
滅暫復光解攜經兩月音容閔千霜驚定還自悼沉痛熱中腸孤調
不成音瑤琴空在牀念君身後事家室便蒼茫兄弟隔遠途誰撫孤
與孀縹渺湍州山松柏正蒼蒼豈無首邱仁欲歸應彷徨我如籠中
禽繫翼不能翔瞻望莫攀緋涕泗徒滂滂源源五載間光陰一何忙
回首問前躅竟是一夢場

壬辰小除夕夜吟

古木垂垂星斗蒼主人無語瑟橫牀兒剪臘雪消寒夜婢作粉糲排
煖湯節物村荒殊寂寞羈懷年久若尋常西隣燈火誰家婦抵曉寒
砧尚搗裳

除夕

除夕年年詠小詩今年除夕可無辭
寒垂極處應回暎士到窮時乃
見奇昨日事成今日古新年人少
去年知五旬有九那容易自酌春
醪慰壽祺

雲養集第四卷終

